

150.297
30
部=5

卷之五

忠義孝弟

列女

靈寶縣志

重修靈寶縣志卷之五

邑令 謝 澹編次
署 李 勳編次

忠義孝弟志

一介而垂重於綱常匹夫而爭光于日月固地靈之特
鍾亦天性之孤行靈邑為分陝重地代生賢喆如杜眾
李情等之忠烈梁文貞李思齊等之孝友以逮焦紹輔
李守鈔王沛等之尚義載在志乘光生簡冊夫蘊玉者
山輝含珠者川媚若忠義孝弟諸君子夫非徒一時之
表範而實為百代之觀型也顧可不廣為蒐輯而令其

靈寶縣志

卷之五

忠義孝弟

淹沒勿彰耶志忠義孝弟

漢 杜 眾 宏農人忠諫獲罪 見鄉賢

唐 梁文貞 純孝見 鄉賢

明 李 情 討賊死難 見鄉賢

許 實家貧無資常以賣飯為業一日有商飯訖遺橐
而去翁檢視之有金數十封謂媪曰誰家鬼疎虞至
此吾竄人不可享非所有且客致此金良苦必俟之
居久無過而問者遂坎地瘞焉後十年有客至語及
十年前在此失千金不覺悲涕翁叩得其實掘地出

前金某曰子故物也待子于此十年矣解藥視金封
識如故客感泣欲留其半堅辭不受後翁孫進爲吏
部尙書生八子誥讀論三子爲尙書詩詞誌皆爲名
宦其一詔鄉試皆翁積德之所致云善慶錄亦載之
胡廣有至性正統間居父喪廬墓三年朝夕哀慕日進
一粥柴毀骨立鄉隣遺錢羹泣謝不受手植松栢成
林服旣除終身不御酒肉

賀宗儒 邑尙書諸生也親歿皆廬墓三年有司欲聞
之輒懇辭而止

卷之五

忠義孝弟

二

思齊病痿父老無他子泣告父曰兒已無望後嗣矣
惟父早圖其父納制生思濟思潤父歿族中惡少
欲害二子思齊擁抱晝夜不離旣耕必置于前如此
十餘年二兒皆成立言及思齊則泣下如其母

趙諳城東里人親歿廬墓終喪兄弟分屠不受產業兩
修學宮捐百金有司重之以孝友尙義表其間
貞錦王梁里人性孝友父勝病篤錦焚香告天願以身
代割股肉爲食父病遂痊待弟武友愛甚華終身不
異財產錦歿子天祿事武如父人稱一門孝友

焦紹輔城東里人有至性好施予屢值凶荒輸粟三千石全活甚衆當道重其義而詳請有義活萬人之旌張江城東里人正德中祖母朱氏病篤割左股肉以進病愈朱年八十餘卒嘉靖歲父懷病篤割右股肉爲餃食病亦痊父年八十三卒諺稱爲雙割報孝許達允捐身殉國事見武秩

庠生彭桐下磴里人文行俱優父病侍湯藥衣不解帶父歿廬墓終喪母歿亦如之兄弟分產多讓諸弟嘗施棺地瘞無依之襁捐粟賑荒督學旌之本里白龍

靈寶縣志

卷之五

忠義孝弟

三

廟前古栢七十八株官將號伐桐自賣腴田納價贖存誠感白龍入夢

許佳允流寇陷城死難見武秩

庠生楊一鉉性孝友祖病侍湯藥不離左右祖歿廬墓三年母病比歿一如事祖者邑令旌表

李仲實母老患病思肉食貧不能辦乃割股肉奉母病尋愈邑有旌匾

許輝幼習道陵之術知禮義爲陰陽官崇禎六年被賊擄去誓死不從罵不絕口賊怒遂屠其家

李璣齒德兼隆端方正直善保願絕匪交壽登百有六
歲舉壽官

杜簡主人故遺子孤幼無所依簡撫孤有成以繼主嗣
旌記彰善亭匾曰撫孤高義

李守鈔拾金千兩仗義還主邑令給匾曰還金高義
王賜古驛人仗義周急正統戊辰年散粟三千石景泰
庚午年散粟一千五十石皆奉 旨獎異縣令秦中
等勒石記之

李璞下禮里民成化七年出粟賑饑皇恩獎諭勅爲義

靈寶縣志

卷之五

忠義孝弟

四

民璞孫實貴元孫學皆謹守家法

王沛字道行號近園性慷慨重然諾萬厯三十七年歲
大荒出粟三千石賑濟一方鄉里全活者甚衆後奉
勅封義官爲鴻臚寺少卿

國朝

許澹然字泊卿號廣崖襄毅公四世孫也弱冠入庠事
親色養崇禎十七年流寇陷城然棄妻子負父奔逃
數遇賊欲及其父然跪請身代卒得免後闖逆追餉
宦裔父子俱禁固賊徒拷掠飲食不得入口然哀

號跪拜獄卒憐之四閱月卒保無恙孝行傳播邑令
屢旌其門

趙俊

明懷

小河里陽店村人忠厚勤儉家頗豐崇禎間遭

奇荒明懷散粟數百石全活多人又闖逆將欲破寨
明懷出貲修築率眾嚴守獨此一村得免仗義疎財
有古人風

孟維岳朱陽里監生周急恤困康熙三十一年奇荒有
閩鄉流民郭進武一家數口逃至本村岳與之住居
給以薪米數年不倦後又為娶妻成家撥給地畝而

靈寶縣志

卷之五

忠義孝弟

五

代輸其稅六十年歲荒有芮城縣民張應級鬻妻賣
子力為勸阻給之口糧地畝保聚其家室撫憲
載入彰善錄 雅

何瑛字繼陽東古驛村監生性孝友好施予康熙六十
年歲歉出粟二百餘石散給村眾有蒲商販麥舟壞
瑛出貲十金覓人撈出給還又乾隆四年邵陽客船
沉水瑛雇人撈救得免藩憲 趙有耆年碩行之旌

撫憲

雅飭登彰善坊表以月旦儀型壽九十餘

韓憲字電章增廣生性至孝七歲即知出告反面及長

備極色養父延禧以考貢沒於新安號呼扶襯徒步
三百里叔父延禧臨終託孤歲荒賦無所出賣已田
代納爲友史流芳完娶及周急族黨無德色

陳直字際聖廩生學問博雅設立義學爲親族子弟延
師課讀遇歲荒出粟百餘石賑濟鄉隣邑人以義調
桑梓表其門

陳鳳本城人豪爽好施監修城池勤勞急公姊適吉門
早寡無子赤貧少依鳳迎歸養給四十餘年如一日
歲荒遇貧困者給以衣食有陝西客人病卧店中捐

靈寶縣志

卷之五

忠義孝弟

六

金送歸邑令 程匾曰樂善不倦 張旌以樂善好
施壽八十二

王嘉駒字修鱗王梁里監生事孀母四十年委曲色養
舅氏赤貧爲營辦養葬歲荒嘗散粟百餘石性溫和
喜讀書行止有規矩邑令 張旌曰德並嵩高

許寤字覺先城南里人監生性至孝善色養父錦得瘵
症寤爲椅輿率子弟昇遊後病不起侍湯藥扶持便
溺晝夜不眠者三年目幾盲父歿哀毀骨立朝夕進
飲食如生時葬後不時省墓邑令 胡旌曰鞠躬盡
孝

楊廷用性極孝親存備極色養親沒哀毀骨立不爲禮樂廬於墓側撫膺悲號寒暑無間者三年孝廉臨鐸表其墓

樊錫祺字春坪北村人翰林院待詔銜前繼母張疾終父欲薄葬力勸止之後繼母王患瘍數年藥餌必親嘗母怒輒率家人勸解之三十餘年無倦色

張景芳杏花村人同治初年五十髮逆之亂負父逃遇賊傷其父以身代受創數十處終不免因罵不絕口而死

靈寶縣志

卷之五

忠義孝弟

七

常步增庠生常家灣村人母病延醫服藥不效醫曰凡病久不愈視糞淡臭淡則生臭則死嘗之淡心甚喜竭力調養果月餘而愈

彭永靜字壽康生員下坡頭村人母病瘵廢起居侍醫藥扶持不解衣者三年母喪哀毀骨立未嘗食甘旨昆仲三有田產三百餘畝僅取五十畝曰吾固少且二兄之食指繁非讓也

趙逢泰增生事繼母秦氏晨昏不怠母有不悅必爲解慰二十餘年如一日

劉金風監生五歲而孤年三十七母病醫藥罔效每夜焚香乞以身代夢寐中若有告以割股之事卽親手割烹不使母知亦不使家人知母食之果愈司鐸李聞之轉詳蒙優獎焉

王績成峪口村人繼母遇之虐凡飲食衣物有所需必備一日母思肉不可得親赴數十里外購致之其或母怒予以杖必跪受之不令起不敢起年逾四十以爲常

何天金字麗齋號畧鎮人事繼母嚴氏有不悅卽率妻

靈寶縣志

卷之五

忠義孝弟

八

子拜跪贖愆必俟母悅而始起

范定國家貧事繼母李氏甘旨必備粗糲自茹終身不厲聲色小河村人

陳大緯有至性母疾禱天割股以奉邑令石旌曰割股孝子

趙凌雲生員事繼母陳盡子道與弟凌漢凌霄友愛甚篤人無間言

喬茂林事繼母飲食必親奉有疾衣不解帶藥必嘗而後進事叔父亦如之鄉里以爲難

郭豐昇東古驛村人同治初粵逆猝至虜其兄豐垣昇乞以身代賊遂舍其兄以昇去

王功燁兄功煥病癱瘓躬侍湯藥親溲污穢左右扶持數年不倦兄沒因過哀而卒

陳忠堂兄彩早逝母老家貧遺孤彌月忠移與同居撫孤成立又從堂弟福遺幼女二爲擇婿遺嫁壽七十六南常村人

何子鵠字廣平東古驛人忠厚儉約家小康道光十五年兵差過境又十七二十六七等年值歲荒爲諸弟

靈寶縣志

卷之五

忠義孝弟

九

兄整銀與粟無德色壽七十二

王鳳儀出嗣胞叔父與庶弟鳳岐讓產鄉黨稱焉

喬福瑞有至性弟蕩產窶甚時時推解如未析爨者然王樹祥有再堂兄樹泰暨其弟樹屏俱無子屏死祥力營葬祭後泰給祥銀四十餘兩辭泰不可祥佯受之爲泰納妾生子一女三泰感甚酬以地弗受迄今子

孫林立家道日上

宋芝字香亭有異居姪失業者給與田產邀同爨又屢施義地葬人之無所歸者儒學馮贈有勤儉恭恕

匾

史宗任字再周神窩村人附貢生同治初粵寇破村嘗
抗論不屈與弟則佚姪著唐著周姪媳許氏張氏俱
及難 贈布政司都事祠祀之並蔭其子著殷入監
卽以縣主簿銓選

許 璠增生杏花村人初習舉子業博極羣籍以家貧
遂攻岐黃術尤邃仲景傷寒論每歲全活者甚衆同
治初粵匪攻破村嘗時年六十四罵賊不屈被戕死
入忠義祠

靈寶縣志

卷之五

忠義孝弟

十

趙以溫字藹如東十里堡人同治元年粵寇至罵不絕
口投崖死 旌表入祠

張同羣布政司理問官庄原村人道光丙午歲歉與兄
趙羣出粟百餘石賑飢民同治元年被粵匪所執不
屈而死崇祀忠義祠

史元祺字壽熙監生神窩村人同治初粵寇擾境罵不
絕口捐軀赴難崇祀忠義祠

陰雲卿縣丞銜山路崎嶇碍行人爲之造梁砌路費不
貲

呼延守中縣丞銜凡村中廟宇傾圮驛路坍塌自出貲財繕治之

李光蹊監生閻謝村人嘉慶十一十八道光二十七等年歲祲前後捐穀全活甚眾又捐修文廟前令嚴給有樂善培材匾邑南有趙金元者山居貧甚貸豪某錢勒以其妻償且令自送之行抵川口鎮北三里許將別矣妻泣涕不願去故仆地豪怒甚口揮拳者屢趙睨立其旁噤如偶公詢得其故語豪曰若不過爲錢耳人償若債若猶能奪人妻耶邀至家出金付

靈寶縣志

卷之五

忠義孝弟

十一

趙以與豪豪去遺之歸不可乃留養其夫婦者二十餘年以偕老終

趙衛臣陽店村人拾典肆遺囊約計千金越日失者至悉還之酬以金不受請立石不許族人化之至今書香不絕

任得福閻謝村人嘉慶初歲荒值教匪倡亂大兵西征里人差費無所出爲墊銀壹千餘兩邑令巫匾曰羣沐長厚

彭克禮字敬菴南河村人鄰有兄弟分產鬪墻者自出

囊金以全其友愛至今父老猶樂道云

杜學正監生李曲里人乾隆五十一年歲荒本里糧米無所出為伊村鑿銀千餘兩里人匾頌之

毋俾聰楊洪寨人自其曾祖與齊至其孫榜凡六世七

十餘口同爨就中擇子弟曉事者理家事餘量才授業無無事者遇饑賑貧乏雖傾囊無少吝

五昌業監生李曲里人五世同居百口共爨現年七十有七

趙克敬字純修大閭村人貢生嗜學敦倫嘗以族姓繁

靈寶縣志

卷之五

忠義孝弟

十三

衍修輯家乘兼精岐黃術濟人無德色又屢焚券契賑濟鄰里人尤感激之

趙聿修車村墘人現年七十有九自高祖斌至元孫永

慶凡八世家人六十餘口同爨以家政委姪作舟立

規條設塾課子弟拾青衿者踵相接同治三年邑侯鄒詳其事奉

旨建坊

李飛熊里中有欠債而故者其婦欲賣身償債公聞之歸其券

許永盛字慎甫監生留村人嘉慶十八年饑出粟五十石道光十年出粟四十石又捐金設義學邑侯楊匾曰功裨文治

陳修字敬齋貢生嘉慶中輸粟助餉凡遇人有緩急竭力資助之不使知兼善醫術堪輿家言有求輒往無倦色牛庄村人

楊芬子監生嘉慶二年教匪擾廬邑官軍討之助餉五百金邑令匾曰好義急公小沃底村人

陳懷

瑜

川口村人乾隆間永流渠被灞河衝塌兄弟施

靈寶縣志

卷之五

忠義孝弟

十三

地若干渠始通至今人猶德之

李殿元武生捐貲修文廟邑令匾曰功裨文治

張恒豐增生有豪數十人操挺人其門遇僕各晚成者鬪斃一人豪率眾退盟曰微此子吾家無噍類矣因齒諸子行爲分產娶妻焉

張明都生員常拾遺金還其人人匾其門曰拾金不昧三聖灣人

朱林儒道光中出粟五十石賑濟村人匾曰恩被鄉黨劉應桂監生常拾梁姓金百餘兩還之梁匾曰拾金不

味二弟議敘九品雁鳴助貲立義學三弟布政司經歷銜雁南輸金修文廟邑侯嚴匾曰功勳文治張嘉和字祥亭五畝村人有死無所歸者施地葬埋約二百餘塚又道光十五年兵役造境爲里人墊銀百有餘兩其子自治孫監生玉造亦屢焚券施地邑侯周給以忍讓傳家匾

許庭玉府經歷銜北田村人創設義橋十餘處鄉里至今稱道不衰

何偉名字魁升監生東古驛村人嘉慶癸酉饑出粟百餘石賑濟全活甚衆

靈寶縣志

卷之五

忠義孝弟

十四

張清秀字松巖監生梨灣村人嘗有鄰村某欲鬻祖塋謀生者秀贈以錢止之又有常永倉維知雪者親死無葬地各給地葬之

李博學閬謝人嘉慶初教匪倡亂大兵西征歲且侵里人苦之學慨然出銀千餘兩里人襄其事於縣邑侯巫匾曰賴免追呼

監生張多見族中有乏嗣無業者施地拾畝擇人奉祀舅無子施地五畝繼其嗣又爲宗祠中置祭田肆畝

他如砌路推食種種義事未可枚舉新店村人
趙勉行閭謝人性慷慨教匪之亂大兵過境里中差費
無所出行墊銀千餘兩邑侯巫 給以凡民永賴匾
議叙八品樊錫祚壬戌之難賊掩至備船濟人全活者
甚衆北村人

監生趙薑輕財賄多義舉前令楊 給有一鄉善士匾
閆振京稠桑鎮人居臨驛路每夏親提水漿飲行人數
十年無倦色遇旱齋戒焚香必雨而後止凡廟宇橋
梁宜修者力任之人皆呼爲閭善人

靈寶縣志

卷之五

忠孝義弟

十五

張格言每逢荒歲出粟賑濟邑賴全活者衆

王克榮道拾陳思正銀五十兩詢知全歸之陳給額曰
拾金不昧

監生宋允中樂善好施康熙乾隆間歲饑兩次出粟二
百餘石以賑貧乏壽八十有七

按察使照磨樊文區道光十二年歲祲同堂姪府知事
錫齡賑粟一百三十石道光十八年驛路爲河水齒
幾斷出錢七十餘千修廣之咸豐四年路又斷遂施
地別開大路於村東行人便之壽八十有一

喬枚家貧窘傭耕供親後小康周濟親戚無少吝惜壽
八十有一

八品銜張躋堂字公甫諸生含之子也業醫推幼科獨
步每晨起襁負至其門者踵相接或見請雖迂曲必
矜視之無難色往往至夜分不倦比就痊酬之金不
受餽以他物亦笑卻之邑令周榜其門曰杏林花滿
城內人

王恭行南上村人夏日至坂坡原見坡路險巖人苦酷
熱施錢十萬置裸租三百二斗給本社會人設水漿

靈寶縣志

卷之五

忠義孝弟

六

飲行旅立有碑記

薛美章牛王埭村人家素封力田所積廣行陰騭親族
沾濡者不可勝計歲歉每出粟賑貧乏全活甚衆又
老子故宅外磚樓歲久傾圮獨力捐修之費不貲邑
前令 程有序

楊清廩生字濂生本城人品行端方事親能盡子道撫
憲 田表曰克振儒風學使 吳表曰孝友宜家郡
守 程旌曰率先孝友

韓程字季川城南里監生善體母志舅氏家貧無子程

爲娶妾立嗣以慰母心鄉里推重

王帝命監生字天庥處已端方與人謙恕臨財不苟道
憲 張旌曰端廉範俗

茹大興三歲失母事繼母孫氏劉氏皆備極恭謹友愛
異母弟撫育孤姪愈於己子學師 王匾曰母節子
孝兄友弟恭

劉福祥本城人與其兄福貴分居後貴產蕭條祥再請
合爨不從乃伺其不足者輒補之並代還債逋兄歿
竭力營葬又爲其姪完娶邑令 王匾曰梯道樹聲

靈寶縣志

卷之五

忠孝義弟

十七

監生何致和字中節東古驛村人平時推解無少吝惜
同治壬戌髮匪猖獗逃竄河濱者以千計船皆北泊
窘甚和買船濟人往來飛渡衆賴全活

邵際泰字運三城內人州同銜少折節讀書長精岐黃
術自得傷寒世驗一編尤稱專門名家凡求診無分貧
富雨夜有請卽往數十年無倦心全活甚衆比治愈酬
之金不受餽以他物亦婉辭有古君子風妻程氏名門
女善鍼小兒驚風症踵門求治無虛日衆呼救嬰菩薩
邑令王書杏林媲美額榮其門

列女志

夫婦為人倫之首女之節乃與臣之忠子之孝相埒此
砥俗之所以首諸此也博稽載籍及舊乘所記與近今
所傳聞者輯為一編其間或以貴著謂后妃或以節顯或
以賢淑稱殆所謂毓紫氣之靈而孕黃河之秀者列之
簡冊其芳徽不且長留天地哉志列女

后妃

晉

武帝楊悼皇后諱芷字季蘭號州宏農人元后從妹太
傅駿女咸寧三年武帝立為皇后

靈寶縣志

卷之五 列女志

節烈

楊氏宏農人適涼呂纂纂為呂超所害楊與侍婢殯纂
素戴西將出宮超慮其齋珍物使人搜之楊厲聲曰
爾兄弟手刃相屠我旦夕死人耳何用金寶超慚而
退又謂其父桓曰后若自殺禍及卿宗桓懼以告楊
曰大人本賣女圖富貴一之已甚其可再乎乃自殺
呂紹妻張氏有苦操年十六紹死便請為尼呂隆見而
悅之欲穢其行張曰欽樂至道誓不受辱遂升樓自
投於地二脛俱折口誦佛經而死

明 蕪六妻屈氏年二十三歲夫亡氏躬治含歛葬畢截髮誓不再適正統間旌其門

呂才妻李氏夫亡氏二十二歲晝夜哭泣屏膏茹素三十餘年屢值凶荒歲節操愈堅詔旌表之

武功縣學生康栗妻楊氏乃布政楊惟康女夫死氏吞砒霜者數次以療救獲免及葬復吞之兄宋以療藥進氏擲於地曰夫死我在何益不如速死爲愈言畢而卒事聞奉詔建祠立坊春秋祭品載著賦役血食萬年碑記載藝文

靈寶縣志

卷之五 列女志

二

廩生楊宋妻康氏係工部郎中康浩女宋以哭妹感疾且革氏卽自誓以死家人防勸周至氏佯爲自解且慰其姑勿悲慟防稍疎乃以所蓄砒潛服之比卒姑視其奩皆扃鎖完固若將遠行者蓋其志素定云事聞奉 旨特賜旌表春秋崇祀與夫妹嫁康栗者同建祠坊稱爲雙烈

舉人張現妻李氏義官李紳之女二十二歲夫亡家計落窶氏事舅姑撫遺子苦節自矢年九十餘歿子悅廬於墓側哀慟而死許襄毅公每嘉嘆之

馮聰妻郭氏二十三歲而寡未有子夫弟利聘財欲嫁之氏號慟自投河遇救乃已守節六十年凜如一日趙烈真梁村里趙九女許字邵景全未行聘景全歿烈真欲往會葬父母義而許之遂不復歸日事織紡以供舅姑及老各以禮葬卒年七十有七

呂姜祖通判呂澤之女年十四父罷官歸嘗夜有群盜數十鼓譟入其家執父索財欲殺之家人走避姜處層樓望見卽躍下抱父大哭曰甯殺我無苦吾父群盜驚愕義而舍之

靈寶縣志

卷之五

列女志

三

劉氏名棟兒劉景隆女劉注劉余之姑因劉世富將長侄劉注推墜害死劉氏盟誓不適守次侄劉余七十五歲而卒

醫官王建忠妻秦氏夫歿哀毀癯絕七日不食而死夫婦同穴士民嘉其貞烈立碑建坊於墓旁

李門三烈生員李明沆妻李氏廩生李明夔妻張氏生員李明龍妻陳氏崇禎十四年流寇破城妯娌三人同心死節各以線密縫衣裙共投一井而死李年二十八歲張年二十陳年十九邑令詳請上憲裒旌詞

曰節凜一門芳傳千古寸腸似鐵白骨如銀中書孫
暮昌有三夫人節烈記載藝文雍正十年題旌建坊
入祠

恩官張復德妻高氏夫早逝遺子元亮甫三歲氏立志
守節堅貞不二撫孤子德行媲美任原武縣教諭

合州吏目許着然妻陳氏闖逆破城舉家逃散氏獨處
於家罵賊而死

舉人孟侯母彭氏明末寇亂氏年二十有一子侯方週
歲襁褓避難群寇脅逼怒罵自刎遺侯草葬中無恙

靈寶縣志

卷之五

列女志

四

邑令詳請旌表

生員費必舉妻陳氏舉亡氏年二十堅心守節三十餘
年流寇陷城罵賊而死

許烜妻李氏流寇破城群盜闖入其家與女二姐處層
樓上潔白一心俱行自刎

監生何懷橋妻張氏年一十九歲夫亡矢志守節撫訓
三子長次入庠三授太醫院醫官屢有旌匾

李士潔妻常氏夫亡氏二十一歲遺孤二氏苦節三十
餘年遇亂罵賊而死

庠生李時潤妻趙氏年二十七素堅節操遇寇被擄百折不屈自刎而死越三日寇退家人收屍葬之

生員彭樾妻楊氏樾卒家計寥落氏堅志自守勤紡績事翁姑以壽終撫遺子清白之操凜如一日歷四十年餘年

生員王自捷妻焦氏年十九夫亡氏堅心自守撫侄化淳為嗣五十餘年清操自凜化淳官任副使贈太恭人

生員彭璜妻焦氏二十二歲遭闖逆之亂流寇脅迫氏

靈寶縣志

卷之五

列女志

五

正色罵賊殞身於井賊恨撈屍碎斷仍棄井中人共憐之公舉旌表

國朝

劉自正妻王氏二十五歲夫病篤以失養為恨囑氏供

奉老母氏泣誓終養兼撫幼女歷盡艱辛始終不渝

苦節四十年

庠生亢起鳳妻張氏二十三夫亡遺子蕩程志願月氏

撫育既娶撥廩未幾亦逝媳韓氏十九與婿同守節

八年寇亂避居大陽寨寨將破媳恐辱及積薪自焚

張獨子守九十七而卒

劉道芬妻維氏二十二歲夫亡遺二子尚幼氏上事孀姑下撫幼子四十餘年不改節操

指揮許佳允妻李氏芮城生員李燿女允殞難氏年甚少孝姑撫子操凜霜嚴縣令屢旌其門

秦宏道妻張氏年二十二夫亡上有翁姑下有子女屢值兵荒節操益凜苦歷三十餘年

彭齡長妻王氏年十九長歿遺孕生子氏持節勵志織紡教讀甫成立又逝熒子無依不改節操苦守五十

靈寶縣志

卷之五 列女志

六

年

生員王化洽妻張氏二十九歲夫亡子二女二俱在襁

褓氏苦守撫育歷變亂貞操愈堅子皆成立氏年八十有一

張爾謙妻薛氏二十一歲夫亡遺子女各一家貧姑老又值奇荒死者相枕氏葬姑以禮教子有方苦節四

十五年

生員白連璧妻張氏卽張爾謙女薛節婦所生年二十

五連璧暴卒遺子三人俱幼氏事親教子艱苦備嘗

長登賢書其餘子孫多列庠序壽八十餘

庠生白玉澤妻趙氏澤於崇禎六年鬻賊而死氏年二十四瘡夫非命幾欲自殞奈女一子二內外無依苦節撫育四十八年二子遊泮女以節顯節義之風萃於一門

庠生陳文策妻白氏卽白玉澤所遺女也十九歲策死氏子女無出形單影隻操守愈堅年六十二歲卒

增生王銘新妻孟氏十五歲適王門二十銘新故遺子城方適歲氏上事舅姑下撫幼子辛勤五十餘年子

廣濟縣志

卷之五

列女志

七

城入庠

生員王珠妻文氏十六歲適琮子錫極錫屏俱幼琮歿氏苦節撫孤十五年爲錫極娶妻李氏李又年十九而寡未有子與姑同守後姑文氏卧病侍湯藥六年無倦文歿拮据殯葬畢水漿不入口匝月而亡錫屏後入庠稍慰雙魂

庠生許澹然繼妻張氏年十四適許前室遺二女未離襁褓撫如已出時流寇追餉然父子拘囚貨產餽食骨肉盡然染癘症又值父疾氏嘗藥露侍百餘日

後然病篤氏扶送水火歷八年如一日然卒本門欲吞其產氏嚴防外侮勤修家政教三子皆入庠生員李埴妻焦氏年二十六夫亡氏孝事翁姑撫三月嬰兒送死養生苦節四十餘年

吳道章妻萬氏二十二歲夫亡子方彌月翁姑恐不能守氏自誓不二苦節四十九年雍正二年詳請旌表楊我猷妻蘓氏十五歲適猷二載夫亡生子方三月家貧姑老氏織紵奉母針指哺兒苦節三十餘年撫孤成立

靈寶縣志

卷之五 列女志

八

庠生張奏恭妻焦氏少司空焦衍豐之曾孫女也十八歲夫亡時翁姑停柩在家氏營卜宅兆先舅姑而後夫孤燈隻影四十七年邑令旌閭賜粟

程騰鯨妻吳氏年少夫亡子甫彌月家貧織紵自給撫孤成立享年八十有三臬憲旌其閭

劉光成妻徐氏三十九夫亡遺子方週氏矢志自守貧且益堅撫子有成年八十一

張煒然妻喬氏二十而寡翁姑衰老子女幼弱氏矢志不渝仰事俯畜六十餘年邑令江表曰節操可嘉

閭養恒妻楊氏順治間土寇猖獗攻寨被虜迫氏女解山下欲辱之氏大罵不從賊怒斷其頭後搜屍于岩下葬之

楊景芳妻張氏夫故氏二十八歲親族無依矢志撫二孤既娶又亡復撫兩孫俾至成立壽九十有五

楊永甯妻陳氏年十九夫亡遺子歲餘伶仃無依父母勸之嫁氏矢志守貞苦歷四十餘年邑令旌之

文耀妻孟氏十五適文生子七歲耀亡氏苦守撫成娶婦馬氏生子數月夫婦俱亡氏復撫孫三十餘載縣

靈寶縣志

卷之五

列女志

九

令給匾旌表

廩生陳大紀妻阮氏指揮阮健女二十夫亡遺子方十月氏矢志守節累遭兵荒不易其操苦歷四十餘年王興國妻荆氏二十夫亡翁姑年老子女俱幼氏紡績度日養葬翁姑以禮撫子女及時婚嫁時稱苦節者以氏爲最

董行運妻楊氏夫故二十五歲家貧翁姑年老遺子三氏奉翁姑撫三子苦節五十餘年邑令旌獎

增生彭如瑾妻郭氏二十二歲夫亡子心融未及兩歲

氏竭力奉八旬翁姑訓子入庠七十三歲而卒

庠生王杰妻杜氏年二十一生子嘉鄭少亡監生王大
議妻張氏生子嘉駒未週歲杰兄弟繼亡二氏共撫
一子苦志數十年杜五十四張六十六卒嘉駒入國
學孫枝四人分繼兩門雍正十一年奉 旌建坊
郭爾鏜妻李氏二十二歲夫亡遺子聖言甫數月郭爾
毓妻楊氏十九歲而寡并無子息二氏共勵水操事
舅姑撫孤兒李氏五十九歲卒楊六十七卒雍正十
一年 旌表建坊

靈寶縣志

卷之五

列女志

十

齊卿孟妻王氏二十五歲夫亡子甫三歲祖母年八十
姑六十餘氏竭力奉養喪葬盡禮子亦成立雍正十
二年奉 旌建坊

李金勝妻焦氏二十九歲夫亡子光裕甫週歲氏苦志
守節撫子成立雍正十一年奉 旌建坊年八十一
歲

王隆治妻史氏二十四夫亡遺腹生子甘貧撫孤苦志
四十二年雍正十一年 旌表

茹大順妻康氏十九夫亡遺子在抱矢志守節六十三

而卒乾隆四年 旌表建坊

許涵妻韓氏年二十夫故子幼矢志守節奉姑撫子凡四十六年乾隆八年奉 旌建坊

焦經綱妻蘓氏二十二歲夫亡子方週姑老多病氏奉姑撫子守節四十二年乾隆六年 旌表

常執信之母呂氏二十四歲夫亡子方二週氏事親撫孤守節四十三年乾隆六年 旌表

葛延樞妻杜氏十九歲夫亡無子立志守節擇繼已經三載父憐其少欲令改適氏剪髮自縊乾隆五年奉

靈寶縣志

卷之五

列女志

十一

旌建坊

庠生李鳳林妻張氏二十二歲夫亡姑老子幼苦志守節四十餘年乾隆四年奉 旌建坊

王一忠妻曾氏十九夫亡上事翁姑下撫幼子苦節三十八年乾隆十年 旌表

葛延壽妻辛氏二十五歲夫亡子幼矢志守節撫子成立苦歷三十五年乾隆十年 旌表

貢生楊州杰妻唐氏幼嫻閨訓及歸楊尤執婦道舅歿姑老夫出外未回氏代職孝養有虔拜北斗得鯉井

中之異姑亡哀毀嘔血而卒邑令 多旌曰孝德堪
嘉學使 于表曰淑行天成郡守 張採入河南府
志

庠生許瑤妻王氏二十夫亡姑老子幼夫有二弟曲爲
撫育子入國學守節四十餘年

趙昇林妻郭氏二十四歲夫亡矢志守節奉姑壽終撫
子入庠凡四十二年邑令 程旌以冰節堪風學使
吳表曰節慈流芳

姚偉章妻潘氏年十九夫亡遺子週歲繼姑改適亦遺

靈寶縣志

卷之五

列女志

十三

一子氏兩撫之苦守四十八年邑令 多旌以苦節
撫孤郡守 張採入府志

景陵縣丞王釐極妻姚氏幼聰慧通女經適王克執婦
道夫赴任以父母年老留氏奉養嘗遇病晨昏不離
左右湯藥雖謹既歿喪葬以禮邑令 江旌以代子
修職

張抱妻祝氏夫亡氏二十七歲遺子三月氏以節自誓
奉翁姑盡禮撫幼子成名六十二而卒學使 王旌
曰積節松心

醫官李埏妻屈氏年十九適埏生子數月埏逝氏苦節撫孤三十年爲子取妻荆氏生子洋方週歲洋變又亡屈亦歿荆繼姑守節四十餘年

史良臣妻張氏二十六歲夫亡遺子三歲祖母及翁姑多病氏婦代子職養葬如禮撫子成立壽九十一而卒

張邵妻李氏十八適張一載邵亡遺腹生子氏勵志苦節奉姑撫子三十餘年子亦入庠

張申妻姚氏孝奉翁姑姑性頗嚴或有督責色養自如翁姑食必侍門外風雪不避姑病侍湯藥始終不倦陳大泰妻茹氏二十三歲生子陳詩方三歲泰亡氏矢志守節撫孤子入國學

靈寶縣志

卷之五

列女志

三

呂兆吉妻史氏二十七而寡遺子涓霞六歲氏歷盡艱苦撫子成立任南海縣河泊所氏年七十有六

萬繼緒妻張氏二十五歲夫亡翁姑年老遺三子俱在提携氏矢志不二仰事俯育苦歷三十餘年壽六十三歲

呂兆瑜妻楊氏事翁姑克盡婦道繼姑亡遺子數歲氏

殷勤撫育一如已子夫歿時氏二十九壽七十一歲

李瑞妻張氏年十六適李生子俊方六歲夫亡事翁姑

曲盡婦道撫子成立苦節自守享年九十餘

監生張振江妻閻氏二十四歲夫亡無子翁姑年老取

嗣承繼孝養翁姑守節三十五年

馮靜益妻孟氏年二十四夫亡遺子三歲赤貧無依氏

矢志守節撫孤成立苦歷三十三年

許潤妻衛氏年二十四夫亡遺子七歲翁姑年老紡績

以給事育享年五十六歲

靈寶縣志

卷之五

列女志

四

蘓毓祥妻何氏年二十夫故家貧姑老氏孝養無缺姑

歿喪葬如禮撫幼子成立苦歷三十一年

彭君選妻張氏年十七夫亡遺腹子登榜夫胞兄夫婦

繼亡遺幼侄登科登第氏盡力鞠養撫育成立年五

十一歲

許禮妻侯氏十八歲夫亡無子翁姑年老家貧無度氏

紡績以供晨夕得年五十七歲

張紳妻宋氏年二十二夫亡子二週氏孝事老姑撫育

幼子後克成立年六十一歲

張毓俊繼妻張氏年十九適俊未及一載俊亡子女無
出俊有前妻遺子寄養異姓氏取歸撫養俾至成立
苦節三十餘年

許澤妻薛氏年十九夫亡無子女父母欲令改適不從
撫任爲嗣苦守三十七年

建權妻王氏二十四而寡勤織紡以撫遺孤守節五十
七載壽八十一而卒

張廷紹妻杭氏二十一歲夫亡苦節自守撫孤成立享
年七十八歲

張淮妻許氏十九夫亡姑老子方數月氏誓志守節姑
得終年子亦成立卒年七十餘歲

李溪妻張氏二十一夫亡生子未週歲翁姑早逝祖翁
七十餘夫有弟僅八歲氏仰事俯育苦節四十餘年
陳君召妻張氏十九夫亡遺子方五日上有老姑家貧
無依氏紡織供給養姑育子苦節四十六年

許汝妻王氏二十二歲夫亡無子熒熒獨守俟其伯兄
又生一子乃取爲嗣苦節二十九年

王如綸妻王氏二十七夫亡家貧事孀姑以孝撫遺子

成立八十一歲而卒學使手廣以節孝可風表其間
蘇忠妻韓氏二十七而寡一子在抱織紡度日間或斷
火志終不移苦節三十年

韓宏然妻張氏二十五歲夫亡遺子延禮方三歲氏水
操自堅撫孤成立子孫蕃衍七十三而卒邑令 周
慶增旌以松筠毓秀

梁朝選妻陳氏工部員外郎陳主策女適梁孝事翁姑
十九歲夫亡子天寵未逾月氏苦節自守四十餘年
子入國學孫亦食餼

靈寶縣志

卷之五

列女志

六

生員何承清妻張氏年十八夫故矢志冰霜事親撫孤
卒年五十八歲

增生張予珩妻張氏年二十二夫亡姑七旬氏委曲承
奉二子俱幼撫孤成立年六十二歲而卒

王拱極妻張氏年二十五夫亡苦撫遺孤持家勤儉先
年廢田一概回贖守節六十五而卒

韓延祺妻王氏新安舉人王澤宏女十九夫亡子女無
出族人謀奪其志其姑令避居新安議立姪霞爲嗣
及歸家資一空氏甘貧自守奉姑訓子六十餘卒

荆樂臣妻張氏二十七夫亡家極貧以女工度日撫孤
成立卒年七十歲

增生韓震妻建氏二十六歲守節歷久彌堅教三子俱
入庠年八十三而卒

許蘭茂妻建氏子未週歲夫亡翁亦繼逝氏力營兩喪
盡哀盡禮姑病左右服侍寢食俱廢事庶姑段氏一
如事姑教子夜讀已以紡績伴之自十九而寡年至
五十有二子士珍入邑庠

廩生呂賡韶繼妻劉氏年十八韶故前妻子銘方二歲

靈寶縣志

卷之五

列女志

七

氏撫育之既婚生子嘉猷銘亦亡子婦王氏勵節如
其姑嘉猷娶妻梁氏生子方彌月嘉猷復早逝梁年
十九母憐其少梁曰兩世孀姑皆以節顯我何敢有
異志守節撫孤苦歷三十餘年

梁培妻梁氏年二十五夫亡守節撫孤歷三十餘年縣
副以勵節全貞表之

韓延祐妻高氏年二十夫故氏矢志冰霜撫子入庠壽
九十歲卒

貢生張予采妻雋氏年二十四而寡遺子在抱繼姑在

堂氏上事下撫艱苦備歷學使于廣表曰翠栢青雲
卒年七十八歲

梁國正妻陳氏年二十六夫亡子幼家貧氏忍饑耐寒
志終不渝壽八十五卒邑令程世綏以清操如霜表
其門

生員党之狂妻姚氏年二十二夫亡扶柩至壙欲投穴
相殉家人勸以親老子幼乃止毀面矢志孝事翁姑
教子夜讀必令三鼓方休子視明弱齡入庠享年七
十一卒

靈寶縣志

卷之五

列女志

六

生員周遇午妻張氏年二十二夫亡事親撫孤守節三
十餘年

程錦妻許氏二十六歲而寡家貧親老子幼紡績度日
歷四十餘年

姚會魁妻亢氏年二十夫亡事老翁撫幼子苦節三十
二年

楊璧妻建氏二十二歲夫歿守志孝親撫孤成人卒年
五十有四

馬夢熊馬夢麟兄弟繼逝夢熊妻趙氏年二十九無子

取姪爲嗣妾年二十七子四歲始姪同心守節
撫子成立卒年七十餘

席英妻李氏年十九夫亡子甫三月家貧翁老氏苦志
竭力奉親撫子者三十六年

增生韓延禧妻彭氏夫亡無子側室裴氏年二十生子
甫四歲二氏共勵冰操五載彭亡裴獨守六十年壽
八十卒孫生員學朱妻蘇氏朱亡亦繼徽守節

貢生王建極妻蘇氏極歿氏年二十七子在懷抱立志
守節事老撫幼年七十二而卒邑令許珽表曰雷筠

靈寶縣志

卷之五

列女志

九

難老

廩生張秉忠妻王氏陝西華陰縣都堂王公孫女山東
德平縣知縣張鍾之子婦也夫病謂氏曰我必不起
爾年少無子勿待終喪當別圖氏節節髮投夫前泣
誓不渝夫歿以侄嗣撫育之奉親曲盡色養守節三
十六載

生員張尹忠妻董氏二十三夫亡守節撫孤四十年如

一日

生員張進忠妻張氏年二十七而寡子亦亡撫孤三

守貞四十三載卒年七十歲

增生荆方妻仇氏夫亡以侄嗣教誨成立守志時年二十五卒年八十一歲

張賓心妻蕭氏年二十八無子而寡撫嗣子四十八年壽七旬有六卒

閻國甯妻母氏十九歲夫亡無子取嗣撫養歷三十餘年

任綱妻荆氏夫故子甫三月氏年二十五矢志守節翁病侍湯藥久而不懈及歿殯葬如禮茹苦四十餘年

靈寶縣志

卷之五

列女志

二十

子克成立

劉壯猷妻張氏年二十四而寡翁老子幼氏水操自守辛勤四十年鄉鄰稱之

李友桂妻建氏適桂四年夫亡無子以侄嗣守節五十餘年

趙琨妻孟氏十九夫亡遺孤一歲氏事親撫孤苦節五十餘年

生員楊暉妻趙氏年二十二夫亡氏守節撫孤歷四十九年

生員許鏐妻王氏年二十五夫故子六歲姑因哭子成疾氏侍湯藥始終不懈姑歿喪葬如禮撫孤成立享年六十卒

杜玉麟妻兀氏年二十二夫亡子甫三月上有祖姑與姑氏孝事之撫子成立自守志至終歷三十六年孟清儒妻何氏年二十三夫亡氏以女紅爲活仰事俯育守節四十餘年邑令程世綏署其門曰秋霜同節閻宗聖妻何氏夫亡無子以侄嗣撫之成人二十一歲守志卒年六十有二

靈寶縣志

卷之五

列女志

三

楊錫壽妻許氏年二十五夫亡堅志守節孝養舅姑撫遺腹子成立終年六十有六

何壘妻賀氏年十九夫亡子甫三月姑老多病氏上專下撫苦節二十四年年四十三卒

邵文會繼妻劉氏年十六夫亡無出前妻子鵬翼方三歲氏志矢冰霜撫如已出守節四十三年

韓宏烈妻焦氏年二十六而寡子二俱幼氏苦節自守年逾七旬卒

白爾綦妻劉氏年二十三夫亡子三歲翁以哭子死竭

力殯葬隻身撫孤歷三十七年

蘇僚妻韓氏年二十四夫亡遺子二俱幼氏撫之成立
現年七十餘

張姓妻黃氏年二十五夫故遺子文光方週歲氏撫育
長成娶妻何氏年二十文亦早逝遺二子何與姑撫
之成人黃年八十歲何年五十有八

劉文炳妻何氏年二十四夫亡守節撫子歷五十七年
何鍾恒妻許氏年二十一夫故無子取侄爲嗣守節五
十五年卒

靈寶縣志

卷之五

列女志

三

盧化臣妻賈氏年二十三夫亡子幼苦守五十餘年卒
年七十有五

王應題妻杜氏年十八夫亡誓志守節事姑孝撫遺腹
子成立卒年五十五歲

梁秉義妻趙氏年十七夫亡子月餘氏撫孤五載子殤
居數歲俟弟居仁生子乃取爲嗣翁姑老病扶掖起
卧節孝之稱孚於鄉里

焦封之妻任氏年二十七夫亡子幼氏苦節自守歷三
十餘年卒

生員冀護側室楊氏子帝彊子婦狄氏楊二十六而寡
守節四十二年狄二十七而寡守節三十年姑媳同
志人稱美之

郭金靈妻趙氏自二十一歲守志歷六十二年壽八十
有三卒

劉珍妻何氏子歸未一載夫亡無孤可守姑諷以意氏
曰我去姑將誰依乃取侄嗣事親撫子備極孝慈卒
年七十有四

何欽朱繼室樊氏年十八夫亡遺二子皆出前室氏撫
靈寶縣志

卷之五 列女志

三

如已出守志不渝凡四十三年

史儒妻李氏二十五夫亡子幼家貧氏績紡無虛日甯
忍饑不敢過用久之家日起子亦成立卒年七十七
歲

荆有德妻常氏年二十一夫亡子幼翁姑以家貧欲令
他適氏曰改節從人甯餓死不忍爲此乃藉織紡奉
親育子歷三十年始終不渝

楊義妻尚氏年十九夫亡子身撫孤家貧糶每至糧絕
勸之嫁則曰改節而生何如死之爲愈苦節四十五

年壽六十六而卒

張幼學妻史氏夫亡氏年十九遺孤三歲家徒壁立以女工給朝夕寒冬織紡十指皆裂苦節四十年子克成立邑令 張表曰節操維風

史楠妻蘇氏年二十四夫亡無子翁姑憐之氏誓無他姑歿翁再娶張氏少氏二歲氏事之不異前姑翁亡張感其孝願與同守蘇卒年六十有四

何卜齡妻趙氏二十五夫亡子方數齡氏冰操自誓撫孤成立年六十三卒邑副 張表曰追芳共孟

靈寶縣志

卷之五

列女志

五

盧元輔妻張氏年二十夫故氏守節撫子始終不渝卒年六十有九

史讀妻張氏年二十一夫亡子幼氏事親撫子守節三十九年

梁維桓繼妻王氏年十六夫亡前妻子蘭氏撫之及生孫大壯方八歲蘭亦逝氏撫孫娶妻生曾孫正僅三歲大壯復早逝氏復撫曾孫成立享壽八十六歲 郭榮臻妻杲氏年二十七夫亡子六歲亦逝氏取堂孫爵承子嗣育之成人享壽八十四歲

李景裘妻喬氏年二十夫亡家極貧維紡爲活奉親育子守節六十餘年

段蘭儒妻張氏年二十一夫亡姑老子甫三月氏矢志自守歷四十餘年

李周魏妻許氏年二十而寡貧無寸土遺孤二藉紡織育之又有族弟李固英夫婦物故遺子銘兒方六歲氏憐其無依留之家撫猶已子苦節五十年

李元聖妻李氏年十九夫亡守志不移事翁姑撫遺腹子備歷艱苦四十餘年

震寶縣志

卷之五

列女志

五

屈撥妻李氏夫亡子幼家甚貧女工度日守節六十餘年

生員王璣妻陳氏二十二歲夫亡翁年逾八旬子義兆方三歲氏百般辛苦翁卒竭力殯葬苦節五十餘年

儒童賀漢斗妻李氏十八歲適斗越五年夫亡遺子本立甫三歲氏甘心守節撫孤成立年逾七旬卒

焦九仁妻杜氏年二十九歲夫亡家極貧親族勸之嫁誓不從抱嬰兒紡織易食夫弟又故其婦改嫁遺任孤幼氏與已子同撫俱至成立守節三十餘年

何大備妻崔氏十九歲夫亡遺子遠舉方二歲氏誓不再嫁事奉翁姑撫育幼子後遠舉入監邑令周給匾曰勁節凌霜苦志五十餘年

王清妻謝氏二十五歲夫亡糟糠自咽織紡以供翁姑撫育二子成立七十三而卒

李宗文妻梁氏二十而寡家貧無貲遇荒歲藜藿奉親拾薪供爨撫遺腹子克至成立苦節五十餘年

烈女何氏里民何義女幼時許配張份之手常後常於十二三時得軟骨病久而不痊至二十餘歲日甚一

靈寶縣志

卷之五 列女志

三

日何張原係舊親商議改配其女聞之有不更二夫之說乃閉戶自縊而死其貞節洵可嘉云

王光啟妻毛氏舉人王毓銓祖母年二十五夫逝子二俱幼翁女衰老家極貧事親撫孤艱苦備至守志五十二年卒

毋知前妻閻氏性貞烈有焦監者欲彈汚之氏力拒起嚙其肘抱憤自縊時值盛暑數日如生蚊蝟不集縣聞于憲抵焦罪請旌建坊

吉祥妻陳氏二十一夫亡無子貧無寸土氏寄食母家

守節五十八年

庠生趙陸韓妻黃氏二十五歲夫亡子方彌月氏撫育
娶妻後氏子夫婦繼亡氏取堂孫洽爲嗣守四十餘
年邑令江以松鶴齊極旌之年九十一而終

齊岷妻彭氏二十五歲夫亡子甫三月氏事姑盡禮撫
子成立學使汪旌以完節紹徽七十三歲而卒

齊峩繼妻賈氏二十二歲適峩撫前妻遺子恩勤鞠育
一如已出未幾峩亡氏苦志守節撫子成立邑令
楊給匾旌獎

靈寶縣志

卷之五

列女志

三

張行吉妻趙氏年二十夫亡子三歲家甚貧氏織紡爲
活間或斷火子啼饑以菜根啖之艱辛之狀人不忍
聞茹苦五十餘年

生員蔣瑛妻趙氏二十五而寡子廷進方四十日氏堅
心守節遇歲歉已庸枵腹不令姑缺於供訓子有方
後廷進入庠氏六十餘卒

陳嗣忠妻王氏性貞烈年十九夫亡氏誓以死殉父母
苦勸且謹防之夫亡之百日携奠至塋前伏地痛哭
淚盡繼以血扶歸卧床閉口絕食閱六日卒

李宏顯妻南氏年二十五夫亡遺子三歲家極貧紡績
度日苦節三十餘年

趙振華妻王氏年十九夫亡無子以侄嗣守節三十餘
年

生員何嘉珍妻許氏年二十八夫故矢志撫孤年七十
三卒

孟惠妻詹氏年二十二夫亡子三歲氏苦撫遺孤四十
餘年六十三卒

監生韓蘇妻李氏夫亡時年二十五子公磊方四歲氏
靈寶縣志

卷之五

列女志

三

矢志冰霜育子成立年七十餘卒

蘇金彩妻彭氏年十九夫亡遺腹生子張成兒氏矢志
不二撫孤成立苦節三十五年

薛大臨妻張氏年二十三夫亡子數月氏矢志守節事
翁姑及祖翁姑能體厥志撫子入國學歷年四十有

七邑令 多以心堅金石旌之

荆有仁妻楊氏幼以孝聞于歸後二十四夫亡守志撫
孤姑病請以身代姑歿哀毀骨立壽七十三卒邑令

周表曰松筠毓馨

于時趨妻焦氏年十七適時趨二十一夫亡守節四十
九年年七十卒

劉瑤妻譚氏十九夫亡苦節三十餘年

何有章妻李氏十八適有章夫亡子幼氏苦志守節六
十餘年

李如蘭妻臬氏十九夫亡無子取胞侄彈兒為嗣守
三十七年

孫世奇妻薛氏十九夫亡子方彌月氏苦志貞節四十
餘年

靈寶縣志

卷之五 列女志

完

趙洪祚妻張氏年二十夫亡氏冰操自持苦節五十四
年

康明發妻劉氏年三十二夫亡子幼苦節四十一年

康喜魁妻劉氏年二十八夫亡苦節四十九歲

閻寒暑姑歿取姪爲嗣撫如己出五十餘年卒

史萬隆妻李氏結縈一載夫亡時氏年十七欲以身殉
翁姑以大義慰之乃止取姪立堂爲嗣以汝甯府訓
導 馳贈孺人卒年八十

王之翰妻盧氏年十七夫亡日夜泣啼憂鬱成疾卒年
三十七

閻殿元妻王氏年十七夫亡翁姑六旬餘子方數月氏
上事下撫卒年三十四

焦崙妻白氏年十七夫亡誓不獨生翁姑諭之曰汝全

靈寶縣志

卷之五

列女志

三

節吾二人者何賴焉氏忍淚吞聲孝事翁姑卒年五
十三

姚曰忠妻衛氏年十七夫亡翁姑老且病氏養葬盡禮
卒年四十三

荆陳玉妻衛氏年十七而寡姑老子幼家無斗筲織紡
度日卒年五十餘

張邦直妻李氏年十七夫亡無子氏上孝翁姑下睦妯
娡人無間言卒年三十餘

任發杰妻陳氏于歸三月夫亡氏年十七矢志靡他現

年六十四

張殿花妻何氏年十八夫亡姑以勸子故病氏湯藥不
倦越兩月病尋愈勤織紡奉甘旨歷四十餘年卒

張星朗妻毛氏年十八夫亡慟欲自縊鄰婦諭以親老
子幼乃止後經營家務孝慈兼盡卒年六十八

范居讓妻李氏年十八夫亡孀姑在堂氏代夫孝養冬
月常以身溫衾侍疾尤謹姑歿殯葬盡禮卒年七十
八

齊步青妻李氏年十九夫亡遺腹生子事姑以孝聞卒

靈寶縣志

卷之五

列女志

三

年五十有二

張偉儒妻李氏年十九夫亡取姪爲嗣恩勤備至卒年
六十八

楊忠妻王氏年十九夫亡親老子幼以婦代子以母兼
師苦節四十六年

許永祐妻彭氏夫亡姑亦繼逝翁老且病氏年十九親
侍湯藥無倦色歷五十餘年卒

何士俊妻張氏年十九夫亡遺腹生子姑又逝氏專翁
盡孝撫子盡慈卒年五十七

曾茂南妻呂氏年十九夫亡姑亦亡姑遺一子方二歲氏子僅一歲氏慈愛無異翁病數月湯藥不倦苦節三十五年

劉玉起妻楊氏結縈五月夫亡氏年十九孝事翁姑慈撫嗣子守節三十三年

雒萬軸妻楊氏年十九夫亡無子翁姑憐其少欲遣他適氏矢志靡他織紡奉親苦節四十年

建鶴元妻侯氏年十九夫亡孝事孀姑湯藥必親教誨孤子跬步必謹苦節三十餘年

靈寶縣志

卷之五

列女志

三

楊世隆妻張氏年十九夫亡欲以死殉親族勸以病姑在堂乃止取堂姪爲嗣苦節四十餘年

姚允復妻秦氏年二十夫亡家赤貧上事翁姑菽水盡歡無何子又早喪復撫幼孫教以義方卒年六十二監生建麟閣繼室陳氏歲貢琢之女克盡婦道年二十夫亡子景未週歲撫育成立後景入貢孫之盤舉孝廉重孫惟精入庠壽七十一歲

衛英武妻楊氏年二十夫亡孝事翁姑喪葬盡禮守節四十九年

彭鳳儀妻潘氏年二十夫亡祖姑及孀姑俱失明氏飲食躬親三十餘年無倦色取姪爲嗣苦節四十八年建彩雲繼室袁氏年二十夫亡翁得癱疾氏奉湯藥數年不倦取姪爲嗣卒年五十二

楊遇春妻邵氏幼喜讀列女傳二十歲夫亡柏舟自勵事親撫子無少遺憾卒年六十三

彭鎮妻陳氏適鎮時奩資甚厚能敬且和年二十夫亡孝養翁姑撫姪爲嗣守節三十二年

附生李文鄰妻譚氏二十歲夫亡翁老子方五月上事下撫苦節四十九年

許丹書妻巴氏年二十夫亡孝事翁姑生盡禮死盡哀苦節二十五年

原孟漢妻張氏幼嫻禮義素性儉約年二十夫亡矢志守節歷四十七年卒

薛世貴妻張氏二十歲夫亡翁姑多病氏侍湯藥始終無倦卒年六十八

杜聯寅繼室劉氏夫病革以家貧囑氏去氏以死自誓夫亡取姪爲嗣時年僅二十苦節三十九年

附生王敏中繼室李氏年二十夫亡撫前室子如已出
零丁孤苦久而彌堅苦節四十年

王景元妻楊氏二十歲夫亡翁姑俱老氏勤織紡奉甘
旨守節三十九年

梁枝榮妻張氏年二十夫亡遺子方半歲翁姑在堂氏
上事下撫苦節三十七年

白震芝妻張氏二十歲夫亡家貧親老氏操杵臼奉甘
旨姑病藥必親嘗守節五十二年

屈孟明妻狄氏年二十夫亡孝親撫子卒年七十

靈寶縣志

卷之五 列女志

四

崔步雲妻楊氏年二十夫亡子僅半歲紡績自給苦節
五十餘年

孟萬箱妻張氏二十一歲夫亡以儉治家以孝事親苦
節二十餘年

陰潤遠妻田氏年二十一夫故孝事翁姑族人無間言
取姪為嗣教養備至卒年八十一

李倫妻關氏年二十一夫亡取姪雲秀為嗣教以義方
青年入庠守節三十五年

白克已妻任氏夫亡子未週歲翁姑俱老氏年二十一

克盡孝慈歷十七年而卒

張清華妻侯氏年二十一夫亡越二月生子勤修氏織
緝供親撫子苦節四十餘年

周銓妻宋氏年二十一夫亡子幼其姊勸之嫁氏泣曰
吾長門與三門俱乏嗣周氏骨血惟此而已遂撫子
成立苦節三十六年

何海妻董氏年二十一夫亡撫姪爲嗣辛苦備嘗現年
五十有三

亢允誠妻彭氏二十一歲夫亡子幼辛苦備嘗現年六

靈寶縣志

卷之五

列女志

三

十四

李純粹妻趙氏夫沒時氏年二十一苦撫二子善居積
卒年五十四

閻法密妻許氏年二十一夫亡無子撫姪爲嗣現年五
十六

王金玉妻邵氏年二十二夫亡姑老子幼仰事俯畜備
極艱苦守節四十餘年

監生張居安妻賀氏年二十二夫亡孝姑訓子苦節三
十八年

許亨通妻董氏夫沒時姑亡翁老遺一幼弟氏年二十
二善撫育之苦節四十一年

楊逢春妻趙氏年二十二夫亡欲殉姑勸乃止遺腹生
子俾克成立及翁姑去世因哀毀過勤而卒年四十
四

劉三樂妻李氏年二十二夫亡翁姑以其少慮之氏以
死自誓斷髮毀容久而彌堅苦節三十年

千總李育秀妻栗氏年二十二夫亡孝孀姑訓幼子守
節三十年

靈寶縣志

卷之五

列女志

三

王諧妻楊氏二十二歲夫亡翁姑氏奉湯藥歲餘不倦
苦節四十六年

許永順妻梁氏年二十二夫亡孝事翁姑守節五十餘
年

建省身妻陳氏年二十二夫亡家貧親老氏傭織紡養
葬無失禮卒年三十五

彭德饒妻王氏年二十二夫亡翁姑多病湯藥不倦苦
節三十餘年

孟福妻焦氏年二十二夫亡子幼孝養翁姑苦節六十

六年

荆鳴謙妻焦氏年二十二夫亡苦節三十餘年

史元勳妻王氏年二十二夫亡孝事祖翁姑及翁姑抱

貞三十五年

王博溫妻趙氏二十三歲夫亡姑老氏養葬盡禮苦節

三十餘年

焦漢中妻趙氏年二十三夫亡姑老子幼藉織紡奉甘

旨終無倦色卒年八十五

監生陳松齡妻彭氏年二十三夫亡姑老菽水承歡及

靈寶縣志

卷之五

列女志

三

姑病湯藥不倦守節三十五年

楊擴業妻葛氏年二十三夫亡孝翁姑撫幼子守節四

十一年

張聲鴻妻楊氏二十三歲夫亡取姪為嗣教以義方守

節四十三年

閻錦妻張氏二十三歲夫亡姑盲氏奉飲食未嘗少離

左右守節三十八年

杜聯魁妻楊氏二十三歲夫亡孝事翁姑守節四十一

年

張法丙妻李氏年二十三夫亡無子且家貧與嫡姚氏
紡績度日苦節三十八年

張宣妻趙氏年二十三夫亡孝親訓子苦節六十三年
白五瑞妻許氏年二十三夫亡孀姑在堂氏勤女紅撫
弱雛以孝慈著苦節三十二年

蘇肯堂妻王氏年二十三夫亡孀姑在堂代夫孝養父
日常溫衾侍疾尤謹苦節三十餘年

史執中妻亢氏二十三歲夫亡家極貧親操井臼孝親
撫子苦節五十三年

靈寶縣志

卷之五

列女志

三

高步陽妻杜氏年二十三夫亡子幼家貧氏勤織紡日
夜不倦苦節三十餘年

陳煥新妻毋氏年二十三夫亡家貧無子撫姪如已出
苦節四十餘年

劉興順妻楊氏年二十三夫亡子三歲養鬻成人既娶
子媳俱亡氏撫孤孫歷盡艱辛苦節四十年

亢允敬妻董氏二十三歲夫亡撫前室子如已出現年
五十七

董允恭妻荆氏夫亡氏年二十四痛哭欲殉以翁姑老無

依而止後翁姑病親嘗湯藥日夜不倦苦節四十年
趙敬修妻李氏年二十四夫亡子幼氏屏卸華鉛足不
履閩外者三十年教子成立卒年八十一

附生劉書彥繼室李氏孝事翁姑撫前室子女如已出
夫亡去節毀容以死自誓時年二十四守節二十九
年

張鳴臯妻建氏二十四歲夫亡取姪爲嗣教以義方守
節五十七年

彭雲河妻何氏二十四歲夫亡取姪鶯遷爲嗣後鶯遷

靈寶縣志

卷之五

列女志

三

知新興州 鮑封安人守節六十一年

附生何邦彥妻張氏夫亡無子遺一女氏年二十四織
紡度日取姪令繼香火苦節五十一年

李成立妻王氏年二十四夫亡家貧織紡自給卒年四
十二

張遇寅妻姚氏年二十四夫亡上事下撫守節四十一
年

李月妻張氏年二十四夫亡翁失明氏侍湯藥歷久不
倦苦節四十三年

張紹齡妻劉氏年二十四夫亡孝事孀慈恩撫嗣子守節二十七年

劉丕清妻王氏夫亡翁姑老氏年二十四代夫事親養葬盡禮卒年八十二

李繼溫妻葉氏二十四歲夫亡姑多病氏奉湯藥不倦及終喪葬盡禮卒年七十二

何潤妻張氏二十四歲夫亡親老家貧生養死葬無失禮苦節四十八年

監生陳元亨妻紀氏年二十四夫亡翁姑老氏奉養十餘年無倦色及終盡哀盡禮苦節四十七年

亢永安妻王氏年二十四夫亡家極貧奉親教子各盡其道苦節四十餘年

史聿修妻李氏年二十四夫亡親老子幼家貧氏晝夜勤勞上事下育苦節三十五年

許珊妻李氏二十四歲夫亡事孀姑撫幼子備嘗艱辛苦節四十餘年

王維妻許氏年二十四夫亡教育二子俾得成名卒年

李三堂妻趙氏二十四歲夫亡無子治家有法姪輩賴之苦節三十五年

史恒仁妻邵氏年二十四夫亡子幼家貧有勸其嫁者氏曰此禽獸之行吾不爲也因織紡度日始終不倦現年六十有餘

何宗祥妻樊氏夫亡翁姑在堂氏二十五歲生養死葬各盡其道卒年七十一

姚自巖妻秦氏二十五歲夫亡翁姑俱病氏奉湯藥不倦及歿盡哀盡禮卒年四十九

靈寶縣志

卷之五

節孝志

望

呂承妻張氏年二十五夫亡孀姑在堂家極貧氏織紡奉養久無異志苦節五十六年

彭灝妻王氏年二十五夫亡孝養翁姑足不踰閭者三十年卒年五十五

王瓊林妻張氏夫亡姑病氏年二十五親嘗湯藥晝夜不倦苦節三十餘年

王成林妻何氏年二十五夫亡家極貧翁姑老氏織紡易粟朝夕孝敬苦節四十餘年

張修業妻王氏年二十五夫亡翁姑慮其年少氏自矢

無他苦節五十餘年

張克永妻雒氏二十五歲夫亡翁姑俱病氏奉湯藥不
倦及歿含禭之物皆親檢視卒年七十八

王呈祥妻趙氏年二十五夫亡孀姑患瘋症氏奉湯藥
數年不倦苦節三十餘年

亢時彥妻郭氏于歸時孀姑在堂年二十五夫亡慟不
欲生姑慰以子幼相依爲命苦節三十年

建全孝妻劉氏年二十五夫亡子幼踰年子亦亡取姪
爲嗣姪失明爲破產完娶針指度日沒齒無怨卒年

靈寶縣志

卷之五

節孝志

聖

六十九

王書雲妻任氏夫亡子幼祖翁姑及翁姑俱在堂氏年
二十五養老慈幼各盡其道守節三十六年

梁大魁妻王氏年二十五夫亡孝親撫孤守節四十一
年

陳法祥妻王氏年二十五夫亡翁姑並得癱疾氏奉事
無倦卒年五十五

秦和妻李氏二十五歲夫亡無子祖姑失明翁力病氏
與妯娌孝養備至取姪爲嗣及妯娌亡遺幼男女各三氏

又撫育之苦節三十八年

賀雲錦妻李氏夫亡翁姑以次病氏年二十五奉事維
謹卒年六十三

張榮妻章氏年二十五夫亡棄膏沐操井曰孝翁姑訓
幼子苦節六十一年

白慶一妻主氏二十五歲夫亡柏舟自勵取姪爲嗣苦
節四十餘年

崔學中妻李氏年二十五夫亡姑老家無斗升織紡供
親苦節五十餘年

靈寶縣志

卷之五

列女志

三

梁鵝鵝妻何氏夫亡子半歲氏年二十五織紡度日教
子成立苦節四十餘年

高雙印妻張氏二十五歲夫亡遺腹生子茹苦抱貞不
事膏沐育子成立現年六十

高兔生妻張氏結褵三月夫故氏年二十五甘心守節
現年五十

亢天哲妻張氏年二十五夫亡無子親老家貧志不少
淪現年七十五

彭元傘妻亢氏二十六歲夫亡子幼未幾子亦亡氏孝

事翁姑矢志靡他卒年七十四

白瑞陞妻劉氏二十六歲夫亡家極貧翁姑老氏以織紡奉甘旨取姪爲嗣苦節四十餘年

王敦本妻李氏年二十六夫亡事翁姑克盡婦道教育幼子入邑庠卒年五十

亢振鵬妻王氏年二十六夫亡代夫事親養葬盡禮守節四十五年

監生董華國繼室建氏素嫻女戒年二十六夫亡事姑撫子各盡其道苦節二十七年

靈寶縣志

卷之五

節孝志

四

庠生蘇成允妾張氏二十六歲夫亡子幼遺腹又生一子躬勤織紡訓子讀書守節三十九年

李玉海妻蘇氏年二十六夫亡氏奉親訓子兼盡其道卒年七十九

劉學孟妻屈氏二十六歲夫亡翁老菽水承歡歷久不懈苦節五十餘年

王芹正妻劉氏年二十六夫亡誓不獨生水漿不入口者三日翁姑諭之曰吾子已故汝又欲死吾二人誰依氏含悲受教具禮葬夫孝敬翁姑苦節四十二年

庠生王國鈞妻蘭氏年二十六夫亡翁患癱疾氏事湯藥五年弗懈卒年七十三

王思智妻李氏年二十六夫亡孀姑已老聞震視膳始終無倦苦節四十七年

從九品荆長節妻趙氏夫亡孀姑在堂妯娌甚繁氏年二十六處之無間言取姪爲嗣撫如已出苦節三十餘年

高步陽妻杜氏二十六歲夫亡孝事翁姑恩養二子卒年五十九

靈寶縣志

卷之五

節孝志

聖

郭效級妻王氏二十六歲夫亡子幼撫育成立卒年八十一

湯輝明妻屈氏年二十七夫亡家貧織紡度日苦節二十九

薛天相妻常氏年二十七夫亡無子家赤貧氏嘗日不再食奉翁姑甘旨無缺取姪爲嗣守節四十三年

張彩麟妻王氏年二十七夫亡孝事繼姑慈撫幼子守節三十六年

監生張自強妻劉氏夫亡嫡患腿疾氏年二十七侍湯

藥無倦取姪爲嗣終歲不出閨門苦節二十六年
李錦妻孫氏年二十七夫亡子幼持家勤儉苦節三十
二年

廩生茹泗妻趙氏二十七歲夫亡善事翁姑及庶姑訓
子讀書早年遊泮卒年五十二

監生彭育明妻許氏二十七歲夫亡誓死不二守節三
十二年

趙敬修妻楊氏年二十七夫亡取姪爲嗣生孫方三歲
姪又亡氏撫孤孫理家務苦節三十四年

靈寶縣志

卷之五

節孝志

哭

李書昇妻劉氏二十七歲夫亡閉戶毀容鄰婦罕見其
面守節三十三年

杜均妻張氏夫亡遺子未週歲氏年二十七以翁姑在
堂矢志自守苦節二十六年

張慰成妻仇氏二十七歲夫亡親老家貧織紡供給苦
節四十五年

李臨德妻許氏年二十七夫亡持家有法撫子有方守
節二十三年

王鷹妻楊氏年二十七夫亡善事孀姑織紡供給苦節

三十餘年

李思元妻張氏二十七歲夫亡慟哭絕粒以翁姑在不
卽死苦節四十餘年

白加科妻張氏二十七歲夫亡翁姑老氏勤織紡奉甘
旨苦節四十餘年

姜福義妻劉氏年二十七夫亡家極貧織紡易粟孝養
雙親苦節三十餘年

荆福妻李氏年二十七夫亡翁亦繼逝姑老子幼孝慈
兼盡苦節三十餘年

靈寶縣志

卷之五

節孝志

四七

王諧妻狄氏二十七歲夫亡翁有疾氏百方醫治卒不
痊及歿殯葬盡禮苦節三十餘年

張書紳妻李氏夫亡翁姑在堂子猶襁褓氏年二十七
事親撫子備嘗艱苦守節三十餘年

蘇來麟妻何氏二十七歲夫亡無子撫姪恒茂爲娶孫
氏越四年恒茂亡孫年二十二日夜啼泣絕粒者數
日何勸之乃食冰霜共勵一門雙節何年七十八孫
年六十四

張璽書妻蘇氏二十七歲夫亡親老養葬盡禮

田承恩妻潘氏年二十七夫亡取姪撫育如已出現年七十六

李殿鰲妻楊氏年二十七夫故撫前室子無異已出卒年六十四

張居正妻李氏年二十七夫亡持家勤儉訓子成名卒年五十八

劉萬康妻孟氏年二十七夫亡孝養孀姑訓養二子卒年六十七

李寬明妻王氏年二十八夫亡室如懸磬織紡供親守

靈寶縣志

卷之五

節孝志

哭

節三十四年

生員焦曜妻兀氏年二十八夫亡矢志不二久而彌堅卒年四十四

王學成妻魏氏年二十八夫亡撫弟課子備歷艱辛守節四十三年

主簿彭育心妻李氏年二十八夫亡教子廷對入庠食餼又罄奩資爲捐教諭守節三十七年

彭泰吉妻吳氏年二十八夫亡矢志靡他守貧安命卒年七十九

監生王昇妾張氏本貧家女因本地遭荒隨父逃靈邑
痛父餬口無資願賣身養父及適昇勸夫迎養其父
年二十八夫沒取姪爲嗣卒年五十九

毋長辛妻嚴氏夫亡姑以痛子故卧病牀褥醫云惟乳
有補時氏年二十八子方週歲求鄰婦有乳者乳之
留已乳奉姑苦節三十八年

李思堯妻張氏年二十八夫亡姑盲問寢視膳務得歡
心卒年六十二

崔敏妻陳氏年二十八夫亡翁老姑沒遺幼弟二氏撫

靈寶縣志

卷之五

節孝志

四九

之如已出翁囑之曰爾等成立皆嫂之力也善事之
苦節三十四年

張佩紳妻章氏年二十八夫亡無子取姪爲嗣延師課
讀有荻畫和丸之遺風守節三十年

袁安妻李氏適袁時姑多病有幼子二衣食俱委之及
夫亡家又貧氏年二十八針指度日爲弟完娶守節
四十年

王名法妻王氏二十八歲夫亡孝事翁姑守節四十二
年

庠生樊金華妻唐氏夫亡祖姑失明翁亦病氏年二十八顛連困苦至老不倦卒年六十有餘

李文寬妻李氏年二十八夫亡翁老子幼相依爲命守節三十餘年

李大丁妻楊氏年二十八夫亡翁老子幼家赤貧織紡養親詩書教子守節四十餘年

趙福盛妻喬氏年二十八夫亡姑常有疾湯藥親奉留一女撫育成人苦節五十餘年

張問政妻張氏年二十八夫亡姑老子幼慇勤事養有

靈寶縣志

卷之五

節孝志

三

姪孫幼孤亦賴成立苦節三十九年

張嘉謀妻程氏年二十八夫沒苦節三十餘年

誥封資政大夫薛純德妻張氏年二十九夫亡仰事雙親俯撫幼子苦節十一年

監生彭育靈妻楊氏年二十九夫亡事姑撫弟訓妹課子苦節三十八年

李思盛妻張氏年二十九夫亡事姑撫子苦節四十九年

生員王秉南妻史氏年二十九夫亡事孀姑撫嗣子苦

節三十年

姚曰忠妻李氏年二十九夫亡氏欲身殉妾慰以姑老
子幼因共勤織紡孝親訓子苦節三十二年

李元道妻張氏年二十九夫亡事翁姑以孝聞守節三
十九年

李金城妻焦氏適李時家甚貧氏織紡奉養及翁與夫
逝慟不欲生因姑老子幼隱忍強食二十九歲守節
歷四十年而卒

辛慎言妻王氏二十九歲夫亡遺三子俱幼親操井臼

靈寶縣志

卷之五

節孝志

五

義方訓子後三子皆成立長孫祖蔭入泮現年八十
一

康田妻馬氏年二十九夫亡苦矢冰霜罕見色笑卒年
五十

高應南妻王氏年二十九夫亡翁姑在堂孝敬盡禮卒
年八十四

范居讓妻李氏二十九歲夫亡矢志自守孝事孀姑恩
育幼子卒年八十七

程經邦妻張氏二十九歲夫亡事親撫子矢志靡他卒

年六十三

附生王鷹翼妻楊氏年三十夫亡自誓不嫁卒年六十

一

董藍田妻趙氏年三十夫亡遺子二長業儒青年入泮

次業農家漸饒裕苦節三十餘年

劉青仁妻田氏年三十夫亡遺腹生子出入有節恩勤

撫育現年七十七

靈寶縣志

卷之五

節孝志

五

李文教妻栗氏年十四歸教數日教亡誓死不嫁取堂
姪爲嗣卒年八十

孫承先妻陳氏年十六夫亡無子安貧守節現年五十
有二

賈雲錦妻王氏年十六夫死守節取姪爲嗣卒年五十
有三

董潤之妻李氏于歸半載夫溺死氏年十六遵祖父訓
三十餘年無異志

從九品任丹桂母李氏年十七歲夫亡子幼堅貞自持
靈寶縣志

卷之五

列女志

三

卒年三十八歲

王沈妻彭氏年十七歲夫亡無子撫姪守節現年六十
一歲

從九品高習妻張氏年十七夫亡無子事姑以孝聞擢
搆家計無異志苦節三十五年

周好善妻趙氏年十七夫亡家貧無子苦節自守鍼黹
度日現年六十

劉公堂妻何氏年十七夫死撫姪爲嗣艱苦備嘗卒年
八十三

孟盛雲妻張氏年十八夫亡無子嗣孤姪姪有女兒弟
六皆氏勤撫育備奩遣嫁之現年七十七歲

劉釋之妻何氏年十八夫亡柏舟之操老而彌篤現年
八十二

薛宗茂妻楊氏年十八夫亡無子撫姪爲嗣堅貞自持
閻士冀妻張氏無子夫亡時囑以養親氏年僅十八善
成夫志不敢忘時稱節孝之最

党占東妻常氏年十八夫亡家人窘其飲食欲遣之氏
曰吾誓餓死此屋耳終無異志苦節彌貞

靈寶縣志

卷之五

列女志

四

劉法元妻閻氏年十八夫亡子幼家貧織紡度日卒年
八十二歲

蘇維兆妻許氏年十八夫亡翁姑相繼逝守節教子卒
年六十六

邵克敦妻韓氏年十九夫亡無子取姪姪亡取姪孫嗣
撫育成立現年七十四歲

崔顯朝妻邢氏十九歲夫亡撫孤守節卒年八十八歲
范敬承之次子媳杜氏年十九夫亡無子矢志自守苦
節六十餘年

劉青藜之第三女適寨原村張姓年十九夫死苦節六十餘年

汪重元妻樊氏年十九夫亡奉事舅姑織紡不輟抱貞五十九年

宋獻菓妻許氏菓歲杪適別業遇盧氏某童蹙躄大雪中憐之授以騎童失足墮雪窖中急赴救皆凍死氏年十九涕泣毀容矢志撫孤四十年如一日焉

王正春妻杜氏十九歲夫亡子幼翁姑已老氏仰事俯畜卒年八十六

靈寶縣志

卷之五

列女志

五

張離妻孟氏十九歲夫亡無子苦節自持卒年五十一
監生許金堂妻陳氏年十九夫亡撫孤守節五十二歲
卒

蘇元霄妻孟氏年十九夫亡無子甘心守節現年六旬
有二

張克孝妻高氏年十九夫亡無子志不少移苦節六十
二年

李九德妻張氏年十九夫亡茹苦抱貞卒年五十六
梁書麟妻張氏年十九夫死家貧無子苦節五十八年

閻景元妻張氏年十九夫亡無子撫姪守節卒年六十
五歲

監生李友梅母許氏年十九夫亡撫孤守節四十年如
一四

李春泰母許氏年十九夫亡守節現年八十五

趙龍書妻葛氏夫亡時氏年二十甘心守節現年六十
七

趙安榮妻彭氏于歸三日夫故氏僅二十歲矢志靡他
卒年五十六

靈寶縣志

卷之五

列女志

妻

葛清英妻荆氏年二十夫亡撫姪守節現年五十七
布政司理問彭鶯鳴妾年二十夫亡卒年七十有五
王成學妻劉氏年二十夫亡撫姪守節卒年六十

附生何那彥妻張氏年二十夫亡守節七十有五卒
陳齊妻彭氏齊沒時氏年二十善處妯娌足不出戶卒
年六十有二

彭福安妻蘇氏年二十夫亡無子貞節不改卒年八十
四

監生陳世德妻焦氏年二十夫亡撫前室子如已出

年五十八

薛自學妻宋氏年二十夫亡家貧撫前室子無間言現年六十四

陳世祿妻張氏年二十夫亡姑性厲氏能色養後姑病瘠身侍牀蓐數年無怠意卒年七十二

彭應運妻薛氏年二十夫亡備歷艱苦守節五十年

賈麟書妻蘇氏年二十夫亡孝事繼姑苦節四十二年

黃盈海妻張氏年二十夫亡無子苦節自持卒年八旬有五

靈寶縣志

卷之五

列女志

七

李居禮妻王氏年二十夫亡無子備歷艱辛現年五十

二

王儲妻何氏年二十夫亡無子取姪爲嗣姪又亡與媳

狄氏同心守節卒年八十

薛逢林妻趙氏二十歲夫亡無子甘心守節六十六歲卒

李成聚妻彭氏二十歲夫亡子幼憂鬱成疾卒年三十

六

蘇洛書妻李氏年二十夫故孝事孀姑恩養幼子現年

五十九

楊重信妻王氏二十歲夫亡撫姪守節卒年五十

蘇振家妻李氏年二十夫亡教子嚴肅有法七十一歲卒

蘇德修妻王氏二十歲夫死事親訓子始終不渝卒年八旬有四

王玉署妻蘇氏二十歲夫亡仰事高堂俯育幼子現年六十二

武生張殿弼妻常氏年二十夫亡家貧無子取姪為嗣

靈寶縣志

卷之五

列女志

五

績紡餬口七十四歲卒

方希典妻王氏二十歲夫亡苦節二十年

王應福妻康氏年二十夫亡子週歲家貧織紡度日苦

節二十一年

焦崙妻白氏年二十夫亡孝事翁姑撫養幼子苦節五

十八年

白冰清妻王氏年二十夫亡無子撫姪守節卒年八十

周魁儒妻張氏年二十而寡翁老且病兵燹後家僅餘

衾二悉以與翁而氏恒夜不解衣焉現年五十歲

索展英妻董氏年二十夫亡奉翁姑惟命是趨稟節操以義自守現年五十一歲

郝崇儒妻楊氏年二十一夫亡事祖翁姑及翁姑甚謹撫夫季弟訓子入庠現年七十有四

王銓妻鄧氏年二十一夫亡僅一子出繼夫弟與姊張氏共撫之茹苦抱貞守節三十六年

楊永升母邵氏年二十一而孀事親撫孤備極孝慈卒年七十有九

彭卜世妻張氏二十一歲夫亡家貧無子翁沒五年墓

靈寶縣志

卷之五

列女志

五

崩氏以織紡力鬻地改葬之

王順意妻黃氏二十一歲夫亡矢志守節現年六十有

二

趙佩芝妻郭氏年二十一夫亡無子撫姪守節六十歲

卒

趙鵬程妻陳氏年二十一夫亡守節不渝現年七十有

五

張存恭妻劉氏二十一歲夫亡撫孫守節現年六十歲

王修易妻史氏年二十一夫亡矢志守節現年六十有

九

孫寬量妻張氏年二十一夫亡苦節四十年

荆萬選妻許氏年二十一夫亡無子節孝自持五十八
歲卒

焦修書妻樊氏二十一夫亡節持松筠至老彌篤現年
六十七

何燬福妻樊氏二十一歲夫亡哀戚毀容足不出戶現
年五十九

李芳苓妻張氏年二十一夫亡代夫事親取姪爲嗣七

靈寶縣志

卷之五

列女志

卒

十五歲卒

杜好學妻張氏二十一歲夫亡無子撫姪守節現年六
十

議叙八品張鳳岡妻楊氏年二十一夫亡撫前室子學
易日夜泣哭人勸之氏曰惟願從亡人於地下耳

張械妻王氏年二十一夫亡勤儉訓子七十二歲卒

張致和妻梁氏年二十一夫亡家貧子幼井曰親操現
年五十二

紀明鏡妻常氏二十一歲夫亡遺二子家極貧辛勤撫

育苦節三十三年

焦陵妻董氏年二十一夫亡家極貧孝事繼母每乏食不憚自餓其苦節鄉黨至今頌之

焦天福妻白氏二十一歲夫亡家貧以鍼指度日守節四十七年

何俊名妾張氏年二十二夫亡無子取姪爲嗣未幾姪亦亡與媳王氏同心守節歷四十三年而卒

陳邦治妻趙氏年二十二夫亡子幼苦節三十年學政歐陽

歐陽

給以節孝雙全匾

靈寶縣志

卷之五

列女志

空

舒林英繼妻王氏二十二歲夫亡撫前室子如已出苦節六十八年

楊樹聲妻王氏年二十二夫亡苦節十七年學政歐陽給匾曰節凜冰霜

李在沼妻王氏二十二歲夫亡無子家貧取姪爲嗣姪又亡同媳撫孤現年八十有二

許致遠妻白氏年二十二夫亡子幼苦節四十五年

焦鳳舞妻王氏年二十二夫亡家貧無子志不少移現年六十有八

潘濟書妻建氏年二十二夫亡子幼素嫗姆訓嫗有婦
德現年八十有二

陳銳讀妻建氏年二十二夫亡苦節三十年

王自發妻席氏年二十二夫亡苦節四十二年

葛廬錫妻彭氏年二十二夫亡苦節六十二年

附生建其極妻張氏年二十二夫亡撫孤成立苦節六

十九年

韓敏妻李氏年二十一夫亡其兄欲嫁之氏以死自誓
教誨二子耕田成家苦節七十年

靈寶縣志

卷之五

列女志

五

陳宗器妻王氏二十二歲夫亡翁亦繼逝氏曰忍令吾
姑無夫無子而又無媳乎遂終養焉

杜昇文妻李氏二十二歲夫死子幼撫孤守節六十八
歲卒

黃振吉妻劉氏年二十二夫亡家貧無依節操不改卒
年八十餘

趙惟一妻張氏年二十二夫死斷髮自矢泣涕成疾三
十歲卒

杭蒞妻杜氏年二十二夫亡姑有癱疾侍養無倦卒年

七十一

陳五饋妻董氏年二十二夫亡無子誓不獨生歷八年而卒

附生薛逢甲妻李氏夫亡時氏年二十二矢志堅貞七十八歲卒

許文元妻常氏年二十二夫亡家貧辛苦度日卒年八十四

彭純心妻吳氏年二十二夫亡子幼憂鬱成疾卒年二十八

靈寶縣志

卷之五

列女志

三

葛自新妻閻氏年二十二夫亡無子撫姪守節現年八十二

趙之彥妻常氏年二十二夫亡無子翁得晚子翁又亡氏撫幼弟成立現年六十

焦育世妻武氏年二十二夫亡守節撫孤成立

張爾選妻趙氏年二十二夫亡有子而癱艱苦備嘗晚年境益窘鄰有卹其貧者給飲食固辭之守節六十五年

田占魁妾王氏二十三歲夫亡撫嫡子完婚娶子又亡

撫孤孫成立卒年五十五

張崇修妻許氏年二十三夫亡苦節自持訓孤入庠

党占傑妻棠氏年二十三夫亡家貧親老貞心不渝

張祥芝妻李氏二十二歲夫亡甘心守節現年六十有

二

趙昇麟妻郭氏年二十三夫亡苦節五十五年

譚天澤妻彭氏年二十三夫亡苦節五十三年

王篤恭妻高氏年二十三夫亡撫姪守節現年六十有

九

靈寶縣志

卷之五

列女志

六

衛乙曹妻樊氏年二十三夫亡矢志撫孤歷久不渝苦

節四十七年

陳箋妻楊氏年二十三夫亡卒年三十有九

齋奏廳何乘鰲妾 氏年二十三夫故子幼撫育成名

苦節三十三年卒

彭育偉妻 氏年二十三夫亡無子撫姪守節五十歲

卒

張步龍妻齊氏年二十三夫亡家貧取姪為嗣苦節三

十五年

荆萬錫妻焦氏年二十三夫故苦節四十一年

趙思恒妻梁氏夫亡無子氏年二十三矢志靡他現年七十三

樊逢成妻張氏年二十三夫亡家貧親老鍼指度日苦節三十餘年

張鴻響妻建氏二十三歲夫亡無子志不少移卒年七十九

趙逸妻杜氏二十三歲守節現年六十七有碑記

張玉藻妻張氏年二十三夫亡依姑歡顏承志苦節三

靈寶縣志

卷之五

列女志

三

十一年

孟天秀妻李氏二十三歲夫亡無子苦節三十餘年

薛正臣妻伍氏二十三歲守節卒年八十一

抗法總妻張氏二十三歲夫亡苦節二十年

附生許虎侯妻何氏事祖姑及姑惟謹年二十四夫亡

撫二子成名現年六十有八

陳源亨妻紀氏二十四歲夫亡遺腹生子飽矢志撫恤

苦節三十一年

李宗時妻張氏年二十四夫亡子幼家貧績紡度日卒

年六十八

史積英妻呂氏素嫻禮則夫亡時僅廿四歲哀感毀容
二十七歲卒

彭本堂妻邵氏二十四夫亡撫姪守節卒年四十四歲

周聯章妻陳氏年二十四夫亡苦節三十一年

焦丕烈妻高氏年二十四夫死心堅金石志凜冰霜現
年六十九

陸生黃適吉妻王氏年二十四夫死子幼歷盡艱辛現
年七十

鳳陽縣志

卷之五

列女志

李

薛自得妻楊氏年二十四夫亡遺腹生子織紡自給現
年五十一

白河清妻劉氏年二十四夫臨終囑以養親氏承夫志
終身弗懈卒年八十三

趙臨臺妻 氏青年孀居志堅金石守節四十餘年

宮萬章妻樊氏年二十四夫亡其姑哭之慟意氏不能
守也氏誓以終養現年六十歲

董望馮妻焦氏年二十五夫亡撫遺孩成召抱孤姪猶
子現年六十一歲

張克勇妻維氏年二十五夫亡苦節四十七年

任天命妻梁氏年二十五夫亡子幼無孤成立娶媳張

氏子又逝與張共守一門雙節邑令楊■刻石記之

崔學中妻李氏二十五歲夫亡取姪爲嗣未幾姪又亡

媳楊氏年二十同撫孤孫一門雙節李年八十一楊

年七十二

王萬年繼妻許氏夫亡時姑年九十餘氏年二十五侍

奉無倦色撫遺孤如已出卒年六十有七

何兆麟妻強氏二十五歲夫亡卒年七十有一

靈寶縣志

卷之五 列女志

七

何以安妻周氏年二十五夫亡家貧無子織紡度日現

年七十有九

趙步月妻郝氏年二十五夫亡矢志守節現年七十有

三

李啓明妻申氏年二十五夫亡無子甘貧守節現年六

十有四

蕭振海妻趙氏年二十五夫亡代夫養親現年六十歲

閻精密妻張氏年二十五夫亡無子甘心守節卒年六

十有八

孟覆妻焦氏年二十五夫亡柏舟自勵卒年七十有七
范書林妻■氏年二十五夫亡呼天誓守現年七十有

五

王修已妻劉氏年二十五夫亡撫姪守節卒年八十有

二

周濟泰妻李氏二十五歲夫亡冰霜自持卒年六十三

楊彭歲側室錢氏年二十五夫亡取姪作舟為嗣姪幼

井白親操歷盡艱辛厥後姪貢成均孫錫元舉孝廉

卒年七十

靈寶縣志

卷之五

列女志

六

庠生樊金華妻唐氏二十五歲夫亡貞心不改守志彌

堅卒年五十五

楊書泰妻張氏年二十五夫亡遺子二撫育守節卒年

八十餘

樊清泉妻張氏年二十五夫死冰霜矢志松柏為心現

年六十九

薛自西妻張氏年二十五夫亡柏舟自誓膏沐弗施現

年六十七

趙青畦妻馮氏夫亡氏年二十五苦志守節現年六十

五

白從龍妻王氏年二十五夫亡無子獨抱堅貞現年七

十六

張添籌妻李氏年二十五夫亡無子靡他自矢現年八

十一

王琪妻王氏年二十五夫死子少鞠育成立無少異志

閻繼隆妻焦氏年二十五夫亡子幼家貧針黹度日

王錫蒲妻彭氏年二十五夫亡子幼并日親操卒年七

十九

靈寶縣志

卷之五

列女志

苑

張西妻章氏年二十五夫亡無子苦節自持卒年六十

常全忠妻張氏年二十五夫亡子幼翁老織紡供給現

年五十六

陰長茂妻宋氏年二十五夫亡遺腹鬻子織紡度日卒

年五十三

張大受妻張氏年二十五夫亡甘心守節現年六十

孫昇武妻閻氏年二十五夫亡無子撫姪為嗣苦節四

十五年

常書升妻周氏年二十五夫亡守節撫遺腹子成立

王鏗妻劉氏年二十六夫亡子幼苦節五十二年

李可名妻張氏夫亡無子祖姑年八十多病氏年二十
六奉養無倦色現年七十有四

趙友智妻李氏年二十六撫孤守節卒年六十有四

張俊儒妻楊氏二十六歲夫亡矢志守節現年八十歲
柴盛林妻王氏二十六歲夫亡甘貧守節卒年五十有
六

張大槐妻章氏年二十六夫亡子幼撫育成立卒年八
十有六

靈寶縣志

卷之五

列女志

七十

梁夢麟妻李氏年二十六夫亡冰霜之操老而彌堅卒
年九十有二

李長林妻木氏年二十六夫亡家貧子幼苦節自持卒
年九十有二

焦三陽妻張氏年二十六夫亡貽糶塵念之死靡他卒
年六十六

楊法玉妻張氏年二十六夫亡貞心弗變守義彌堅卒
年六十六

增生趙逢泰妻范氏年二十六夫亡氏屏卸鉛華辛勤

織紡現年六十九

李增田妻張氏年二十六夫亡靡他自矢人無間言現年七十二

張偕壽妻高氏二十六歲夫亡無子伶仃孤苦矢志彌堅現年七十一

李樹陸妻李氏二十六歲夫亡子幼家貧不厭糟糠七十三歲卒

董聖宏妻焦氏年二十六夫亡子幼恩勤撫育現年六十一

靈寶縣志

卷之五

列女志

七

白占儒妻郝氏年二十六夫亡代夫訓子後得成立現年七十九

閻嘉麟妻張氏年二十六夫亡苦節三十四年

紀開庫妻李氏年二十六夫亡事姑盡禮撫子有方苦節五十年

常清和妻王氏年二十七夫亡甘心守節始終不渝

彭元齡妻張氏年二十七夫亡矢志守節六十九歲卒

何殿彪妻王氏年二十七夫亡子幼家貧織紡度日卒年八十有八

趙習仁妻張氏年二十七夫亡守節卒年五十七歲
薛繩宣妻賀氏年二十七夫亡守節卒年七十四歲
馬文壽妻焦氏年二十七夫亡守節現年六十六歲
劉廷和妻何氏年二十七夫亡守節現年六十九歲
史夢蘭妻關氏年二十七夫亡守節卒年五十七歲
王汝霖妻高氏二十七歲夫亡取姪爲嗣治家嚴而有
法子弟咸敬畏焉現年六十歲
呼鳴嶽妻張氏二十七歲夫亡取姪爲嗣少多病氏撫
養備極勤勞苦節二十四年

靈寶縣志

卷之五

列女志

三

孟芳蕙妻張氏二十九歲夫亡撫育二子節操不變卒
年七十五

監生李殿英妻張氏二十七歲夫亡子幼苦節二十年
王占海妻崔氏年二十七夫亡家貧無子織紡自給現
年六十七

張居喜妻楊氏年二十七夫亡心堅金石操比松筠卒
年八十四

楊書清妻胡氏年二十七夫亡專翁撫孤人無間言苦
節四十餘年

楊金湛妻王氏年二十七夫亡守節現年六十

焦化龍妻董氏年二十七夫亡代夫事親喪葬盡禮

党超羣妻張氏年二十七夫亡撫前室子有義方

鮑封文林郎荆楠妻張氏年二十八夫亡孝事舅姑慈

撫諸姪現年七十歲

閻愈密妻賀氏年二十八夫亡無子甘心守節卒年五

十八歲

趙昌意妻周氏年二十八夫亡撫姪爲嗣織紡度日卒

年六十有二

靈寶縣志

卷之五

列女志

三

邵之傑妻許氏年二十八夫亡守節卒年六十有五

郭嘉珍妻常氏年二十八夫亡子幼家貧鍼黹度日卒

年八十有六

趙聖典妻張氏年二十八夫死守節卒年七十歲

張秉倉妻章氏年二十八夫死守節卒年六十有八

郭俊儒妻范氏年二十八夫亡守節現年五十有八

梁秉義母趙氏年二十八夫亡守節卒年六十有三

王鳳書妻葛氏夫亡遺二子氏年二十八撫育成立現

年七十有六

陳時來側室蕭氏二十八歲夫亡守節卒年七十有三
焦祥麟妻樊氏二十八歲夫亡養姑盡道撫孤成立

政歐陽匾曰志堅金石現年六十有

薛宣三妻陳氏二十八歲夫亡自奉儉約不苟言笑卒
年四十八

何占魁祖母李氏年二十八夫亡茹苦抱貞撫孤成名
卒年八十有七

范志掩妻趙氏年二十八夫亡恩勤鬻子兼及姪孫卒
年六十有二訓子之箴成增生

靈寶縣志

卷之五

列女志

七

許和妻張氏年二十八夫亡遵夫遺命養親教子卒年
七十三

薛自昌妻段氏夫亡時年二十八家貧子幼并日親操
現年五十九

武元書母李氏年二十八夫亡守義訓子成立苦節四
十年

郭朋魁妻李氏年二十八夫亡子幼家貧織紡不倦苦
節三十年

張福義妻王氏年二十八夫亡誓死弗去現年五十八

張濟妻張氏年二十八夫亡靡他自矢現年七十
何子姓妻楊氏一十八歲夫亡無子矢志守節歷四十
餘年卒

趙實修妻陳氏年二十九夫亡卒年六十四學政歐陽
給有孝篤節完匾

附生常典母王氏年二十九代夫養姑教子成名苦節
二十年

李廣生妻栗氏二十九歲夫亡教育二子恩勤備至卒
年七十八

靈寶縣志

卷之五

列女志

七

董和玉妻劉氏年二十九夫亡無子撫姪守節卒年七
十三

袁順業妻張氏年二十九夫亡無子苦志守節現年七
十九

劉定國妻張氏二十九歲夫亡家貧無資織紡奉姑卒
李成林妻封氏年二十九夫死家貧子幼矢志彌堅苦
節四十五年

趙思明妻趙氏年二十九夫亡代夫養姑事葬盡禮現
年六十四

張仲儒妻張氏二十九歲夫亡家貧子幼備嘗艱辛現年八十一

焦芝妻席氏二十九歲孀居抱貞三十五年學政歐陽給有玉潔冰清圖

李樹英妻王氏年二十九夫亡子幼撫育守節卒年六十歲

從九品張鵠妻唐氏年二十九夫亡遺三女延師氏講誦列女傳六十五歲卒

常汝耕妻王氏二十九歲夫亡子幼苦節三十七年

靈寶縣志

卷之五

列女志

三

宮萬明妻許氏同治初捻匪臨境邑人驚避氏值翁病篤躬侍湯藥不忍棄走現年七十五歲

趙善性妻商氏年三十夫亡孝事翁姑人無間言苦節三十三年

董承興妻紀氏年三十夫故子七歲及長娶高氏子復故與高氏同撫孤孫孫娶許氏又故遺曾孫繼週歲三氏協心撫孤一門三節鄉黨頌之

監生楊樹德妻劉氏三十歲夫亡守節現年七十二歲彭法正妻葛氏三十歲夫亡家貧堅志不改卒年七十

歲

方毓廷妻李氏三十歲夫亡撫子守節鄰婦有貧乏者解衣推食無吝色里有女中丈夫之目

毋雲峯妻嚴氏三十歲夫亡撫孤守節現年七十歲

楊安邦繼室李氏三十歲夫亡屢次散粟恤貧乏卒年七十歲

附生郭之昂妻喬氏年三十夫亡守節現年六十五歲
王開泰繼室薛氏年三十夫亡苦節四十六年

趙蔚文妻李氏三十歲夫亡守節卒年六十三歲

靈寶縣志

卷之五

列女志

七

宋獻明妻韓氏年三十夫亡子幼家貧織紡度日苦節三十年

附生荆芸妻崔氏年三十夫亡撫遺腹孤甘貧守節卒年六十五歲

師 洛妻荀氏三十五夫亡守節卒年九十二歲

張遇祥妻程氏十六夫亡事姑撫幼現年五十一歲

建瞻陽媳李氏三十歲夫亡子幼翁老多病視膳嘗藥無少倦色

楊化南妻繼氏三十歲夫亡家貧親老辛苦脩室

陳臨淵妻王氏翁病三載親嘗湯藥翁一日思食肉卽割其臂烹調進之

潘安妻胡氏姑病信讖詞剪肱以奉病尋愈邑侯旌曰香閨奇孝

李宗祺妻張氏年二十五夫亡子幼家極貧或勸之嫁婦誓靡他績紡撫孤卒年六十八

李歲豐妻何氏年二十一夫亡子幼勤織紡事舅姑比舅姑已逝喪葬盡禮現年五十二歲

張洪氏二十七歲夫亡遺幼女誓以死守家如洗其叔

靈寶縣志

卷之五

列女志

六

力逼他適氏仆地慟哭抗詞厲拒村鄰聞而慰之遂止苦守七十餘年

齊彭氏鳳鳴妻二十一歲夫沒撫幼女取侄爲嗣晝夜垂訓守節四十餘年

李呂氏沛妻二十三歲夫亡苦節五十餘年

杜張氏生員龍章妻二十歲夫亡守節六十四年

張張氏庚辛妻于歸三載夫沒氏年二十歲撫孤子成立卒年五十二

田謝氏成章妻年二十四夫亡氏孝事翁姑慈撫子女

苦節五十餘年

生員建其極妻張氏十八歲夫亡家貧氏躬操井臼冰霜之志老彌篤焉

蘇逢辰妻張氏年二十夫亡無子貧甚取姪輝瑄為嗣瑄娶伍氏年二十八甫生子瑄又逝伍上奉孀姑俯育幼子一門雙節張卒年七十有八伍卒年七十二王正智妻鄧氏年二十夫亡苦節自矢終其身無他志孫執姪妻孟氏二十二歲夫亡子幼氏上事翁姑下撫孤子苦節四十餘年

靈寶縣志

卷之五

列女志

堯

張維成妻■氏年十七夫亡家貧鄰媪有諷以改醮者氏以死自誓織紡自若現年五十二歲

薛追瑄妻楊氏年十六歸瑄越二年夫得痼廢疾家極貧氏且耕且織以養其夫又五年夫亡人勸之嫁氏涕泣曰薄命人祇有一死他非敢聞也苦節四十餘年

宋長林妻白氏年二十八夫死矢志不嫁苦節三十七年

宋惠林妻張氏年三十夫亡子幼甘貧守節乞丐育子

現年七十有一

李克祥妻張氏年三十夫亡家貧子甫週歲織紡撫育
苦節五十年

監生康耀衢妻席氏年三十夫亡矢志守節現年六十
張永吉妻閻氏年二十五夫亡織紡餬口撫姪爲嗣現
年七十七歲

陳李氏監生陳萬年之母夫亡矢志撫孤年八十六歲
卒子孫書香相繼諸生新周其孫光斗其曾孫也

陳時和妻■氏年二十八夫亡織紡度日撫子成立卒
靈寶縣志

卷之五

列女志

李

年七十有八

何邦正妻史氏年十七夫亡無子矢志守節現年五十
六

彭錫祿妻許氏二十一歲夫亡矢志守貞卒年六旬有
八

彭武烈妻馬氏年二十夫亡矢志靡他卒年七旬有三

烈婦

常步瀛妻張氏未嫁聞夫故恐父別字人遂自縊遺書乞與所字夫合葬父哀之從其言

李烈婦書工雲漢之妻咸豐末粵匪信急漢掘崖爲營窟崖崩與其弟雲翼俱壓斃婦年甫及笄營葬後卽仰藥死

亢天佑妻許氏夫有書癖遭虐疾氏湯藥不倦夫亡慟不欲生因子方二歲延旦夕無何子以患痢亡氏自縊子復甦賴兄嫂撫育說者謂貞烈之報云

靈寶縣志

卷之五

烈婦志

全

楊梅子妻王氏夫夜出氏獨居鄰黃某撞扉入氏詈拒之翼日訴其夫縊而死邑令審擬黃絞



